



宛陵先生文集目錄卷第十六

和曹光道風枝檜飲原甫家

送監押曹供奉飲原甫家

送張生還和州送少卿夫人挽詞

送韓寺丞宰蕭山蔡石謨示弩牙

和原甫省中新菊和仲源獨夜吟

寄題琨瑤洞許生南歸

得椹梓戲酬寄題杭州法喜堂

題滿僧錄西明寄題撫州息心亭

送李太博送道損司門

送雪竇真穎長老

送晉原喬主簿

閔尚衣盜柙

裴直講遺賦鼓

送樂職方知泗州

喜雪

雪後晚過天漢橋

見水牛拽車

和普公東園十題

送襄邑杜太博

病後宿舍

胡夫人挽歌

贈春如晦水梨

和劉原甫試墨

送劉職方知汾州

送崔殿丞知廬州

吳太博遺柑子

目錄終

宛陵先生文集卷第十六

和曹光道風校三檜

飄風西北至樹苦萬繚牽君家三古檜繁根龍地

纏其固謂不校朱欄擁青塼今同秀林木摧倒誰

復憐安得有力士扶持尚可全慎勿伐作薪豈無

庭燎然

飲劉原甫家原甫懷二古錢勸酒其一齊

之大刀長五寸半其一王莽時金錯刀長

二寸半

主人勸客飲勸客無天妍欲出古時物先請射以

年我料孔子履久化武庫煙固知陶氏梭飛未風
雨天世無軒轅鏡百怪爭後先復聞豐城劍已入
平津淵聊儻二百載儻有書畫傳嗚呼纔十一便
可傾航船探懷發二寶太公新室錢獨行齊大刀
鏃形末環連文存半辨齊背有模法圓次觀金錯
刀一刀平五千如其文如此精銅不蠹蝕肉好鈎婉全為
君舉酒盡跨馬月娟娟

送嘉州監押曹供奉

測

舊友尹師魯嘗作送子文文存人已歿行復我何
云平時為郡尉退方宜撫軍定過楊雄宅野鶴自

成群

荅仲源太傅八日遺酒

陶潛九月九無酒望白衣何言先一日雙榼忽我
歸借問遺酒誰天宗分日暉明當酌大斗黃菊羔
醅肥李賀諸王孫作詩字欲飛聞多錦囊句將報
慙才微

送張生還和州

山頭孤石望來久天外行人今獨歸藥囊自有留
生術不管淮南木葉飛

李康靖少傅夫人挽詞二首

九月秋風急三川苦霧迷
卜却新隄放度筆短蕭
齊寶劍知終合靈壙已隕西
松門來會葬車馬幾
千蹄

板輿曾至鄭靈輅此歸周行哭人增慕凝笳月正
秋九原開柩穴故土覆新丘歲晏寒松下茅苦孝
子留

送韓文饒寺丞宰蕭山

吳會未探冗廣陵先看潮橫江百馬怒卷海萬鼓
聳器舟楫凌湍發魚龍接浪跳薄言增勇氣少當舉
山瓢

蔡君謨示古大弩牙

黃銅弩牙金錯花銀闌線齒如排沙上立準度可
省括箭溝三道前直穴其度四寸寸五刻塗光歷
歷無纖差蔡侯出此問誰得往年客遺來邛邛邛
邛築城穿厚壤既獲磨洗爭傳誇莫知歲月孰製
作精妙近世應難加發機高下在分刻令人妄射
功仍賒願侯擬之起新法勿使邊兵死似麻

和劉原甫省中新菊

華省切星斗沉沉巖燕房秋風茂陵孫種菊爛生
光天晴蝴蝶飛上下舞雙黃劉郎才筆豪移榻吟

在傍日晚更已散殘景上粉牆有酒無飲伴撥英
襟裾香遠思陶淵明弄官歸柴桑東籬獨此物豈
把恨無腸賴有白衣來好事遺書幾通意各一時
豈乏同舍郎

依韻和仲源獨夜吟

秋鴻聲澀秋絃苦塗金博山煙夜吐寂歷虛堂燈
暈生誰人共聽西窗雨

寄題周敦美琨瑤洞

仙人采玉驅雄龍列山剖璞青腔空因遠爲堂曲
爲室石乳溜壁光玲瓏仙歸龍去草樹長蔽翳不

復人蹤通指壘買墅下峯下洗斲務欲險怪窮地
鱗鹿跡尚莫到安問樵老諸牛童古人未得今已
得萬景付與由天公何當歸來斂頭角任從寶我
生白虹陰溪淺水菖蒲綠下有蝦蟇雙眼紅及時
佐酒斫兩股勿使更入明月中

許生南歸

大盤小盤堆明珠海估眩目迷精麓斗量入貢由
掇拾未必一一疵類無不貢亦自有光價此等固
知魚目殊許生懷文頗所似暫抑安用頻增吁倚
門老母應日望霜前稻熟春紅稔歸來爛炊多釀

酒洗滂山憤傾盆盃九卿有命不懸晚朱邑當年
是嗇夫

得沙克榭梓戲酬

羨黎已枯天馬歸嫩蠟籠黃霜冒幹不比江南橙
柚酸橐駝載與吳人看

寄題杭州廣公法喜堂

淘青研朱畫屋梁黃漆栢障連曲房日暉月色不
須照了了自可窺毫芒夕陰花斂似欲病飛鳥不
驚烏帽郎深山窮谷謾幽僻喜得吳儂是藥囊

題滿公僧錄西明軒

赤萍纒落鄧林外青銅半磨傍露明飛光斜入了
不隔坐卧一榻琉璃平西方古胡黃金質貝葉傳
寫烏行橫謂曉此教居此軒滿壁圖畫送峯生

寄題撫州戴秀才息心亭

蒼蒼開幽林岑嶺日相對雲歸垂衣纓泉落嚮環
珮仕宦雖有負耳目得以貸俯仰宇宙中晏然維
進退

送臨江軍監酒李太博

三江卑濕地北客宦游稀霧氣多成雨雲蒸易損
衣白醪燒甕美黃雀下田肥未辨殊方語山歌半

是非

道損司門前日過訪別且云計程二月到
郡正看暗惡海棠頗見太守風味因爲詩
以送行

蜀州海棠勝兩川使君欲賞意已猛春露洗開千
萬株燕脂點素攢細梗朝看不足暮秉燭何暇更
尋桃與杏青泥劔棧將度時跨馬莫辭霜氣冷

送雪竇長老曇穎

朝從雪竇請暮卷雲衲輕莫問居士病自從他方
行吳霜點鬢根海鳥隨衆迎安隱彼道場萬事都

忘情

送襄邑知縣杜君懿太博

霜落水未落令君將度河農耕休叱耒女織罷鳴
梭赤幘驅亭長丹砂掣印窠無慙浚儀政才比陸
雲多

送晉原喬主簿

太守登車時我病不能出遙期玩海棠度險馬屢
叱唯畏行邁遲惡欲及春日何爲愛此花曾非桃
杏匹生紅濃復淺瘦蒂脩且密湖傍幾十樹雕盤
擁新漆酒傾留瑤盆月上歡未畢縣官同遠宦簿

領無督詰刻意諫芳菲追捕李杜失

十一月十三日病後始入倉

曾非雀與鼠何被大倉爲狐裘破不溫黃狗補其
皮霜花逐落月綴在枯槁枝子年過五十瘦寢冰
生肌

閔尚衣盜袴

昔聞廉叔度能使民多袴多袴非或貪持新不忘
故嗟嗟亦王官奚自門閔汙中府中紋綾袖之呼
馬去左右即其私邀索乃就捕三公出死狗訓導
能有素今同竊鈇者見爾皆此趣

胡夫人挽歌

子哲

已哉胡夫人其壽七十餘其子哀母死一夕髭皓
如髭白髮亦白長號守茅廬扶棺埋吳雲來會傾
市墟誰復向寒月卧冰求鯉魚

裴直講得潤州通判周仲章鹹鼓遺一小餅

金山寺僧作鹹鼓南徐別乘馬不肥大梁貴人與
年少紅泥罌盞鳥歸飛我今老病寡肉食廣文先
生分遺微

贈裴直講水梨二顆言太甚荅吳甘三顆
以爲多走筆呈之

綠橘似甘來太學大梨如水出咸陽莫將多少爲
輕重試擘霜包幾瓣香

送樂職方知泗州

長堤凍柳不堪折窮臘使君單騎行蘇合輕裘霜
莫犯銅牙大弩吏先迎山旁楚賈連檣泊水上禹
書寒磬清試向郡樓東北望煙波千里月臨城

和劉原甫十二月十日試墨

海神不朝雪不作大梁塵上蔽天高道傍牛喘復
誰問佛寺吹螺空唱豪相公跪香恬且佚
減膳心焦勞因君試墨偶有激勇辭壯筆揮長刀

予無柰何亦思飲飲竭甕甕從鋪糟

十二月十二日喜雪

三日月風吹暗沙蛟龍卷起噴成花花飛萬里奪
曉月白石爛堆愁女蝸大明廣庭踏朝駕雉尾不
掃粘官靴宮中才人承聖顏捧觴稱壽呼南山三
公免責百姓喜斗酒十千誰復怪

送劉職方知汾州

西河風俗厚尚翹古所聞子夏有遺廟千木有遺
墳太守下車日當先此二君不必汾水上秋風看
鴈群

十三日雷後晚過天漢橋堤上行

堤上殘風雪橋邊盛酒樓
據鞍衰意盡倚檻艷歌
留海月開金鑑河冰卧玉虬
當年洛陽醉偏憶董
糟丘

送崔黃臣殿丞之任廬山

驂駒西行四千里直度經橋百尋水
石上菖蒲未見花蒙頂茶牙初似紫
來時應憶故園春故園開焙亦思人
其間杜鵑不中聽掩耳聊看錦雉馴
青崖鞭垂瘦地尾仙人指節隨鱗起
斫取他年跨馬歸
劔棧秦山多折筍

十九日出曹門見水牛拽車

只見吳牛事水田只見黃犂負車輓
今牽大車同群又與騾驢走長陌
印頭闊步塵蒙蒙不似綏耕泥沔沔
一夜眠頭向南越鳥心腸誰辨白

吳太傅遺衽子

太學先生欺綠橘裴如晦近有贈吳興才士與黃柑
黃柑似日勝崖蜜帶葉初擎翠竹籃
還料楚王曾未識徒將萍實託江南

和晉公賦東園十題

櫛芳亭

結宇東園中種花待春風口歌金縷衣手折枝上
紅今日映綠髮他年羞青銅

清心堂

寂寞外物亂境清心亦清彼皆居深谷此獨處重
城夷齊食薇蕨千古首陽名

石筍

削出青山根峭立碧玉圭不作湘竹老不染帝子
啼不爲盤中蔬豈與煙茁齊

待月亭

明月過三五飛出滄海遲佳人望清夜隔樹光離

離不須磔蝦蟆暮寒醜自有虧

虛白堂

空堂絕纖塵虛靜自生白長風吹月東牕戶如不
隔漆園茲趣深赤水珠難索

假山

太山不可歷石齒齧人足聊集怪與竒蒼蒼都在
目何須引寒流平地作溪谷

書齋

聖賢有事業皆在經籍中已愛牙作籤可輕山賜
銅還來讀詩禮不用辨魚蟲

小池

小池依小山山晴翠光入無容群蛙鳴間有孤鶴
立曾不起波瀾石郵風自急

紫竹

西南產脩竹色異東筠綠栽蕭映檀脣引枝宜鳳
宿移從幾千里不改生幽谷

山茶

紅鷓勝朱槿越丹看更大臘月冒寒開楚梅猶不
柰曾非中土有流落思江外

宛陵先生文集卷第十六

宛陵先生文集目錄卷第十七

除夜雪

和吳冲卿元日

元日

和仲源暮冬見寄

送韓寺丞

和原甫風花

貽妾怨

十六日會靈火

送潘司封知解州

飲酒呈鄰幾原甫

寄渭州王龍圖

雪中赴宿懷鄰幾

送薛虞部

送宣倅馬屯田

觀棹龍舟

二月四日雪

答劉原甫

聞語十方壇長老

垂拱殿起居聞捷

十五日雪三首

聞密賜

送晏寺丞

江鄰幾饌鱸

淘渠

蓬生麻中

賣鹿角魚

夜與原甫步歸

高陽關射亭

京師逢賣梅花

欲訪宋中道

丁右丞挽辭二首

廷老傳沛語戲作

送胥寺丞赴洛

送徐殿丞婺州倅

韓子華招飲

送下第親舊

燕

雨

晴

送胡公疎之金陵

送裴虞部知信州

送李推官之岳州

和南齋畫壁歌

媯婦

送端式歸漳州

送黃殿丞潤倅

揀花

和端式見贈

楊公蘊華亭宰

保之遺水墨扇

送汝陰宰孫寺丞

和曇穎四明十題

目錄終

白

卷

七

除夜雪
 千官車馬闐闐來
 畫漏始上闐闐開
 我我左右升
 龍進昨夜雪飛雲
 作堆殿前冠劍魚
 鱗立東風入
 仗旗脚迴黃鍾一
 奏寶扇掩玳簾
 卷起香霧排鳴
 梢未盡霹靂響翠
 輦已退黃金階聖
 人端冕御法

宛陵先生文集卷第十七

除夜雪

擊鼓人驅鬼漫天
 雪送寒臘從今日
 盡花作舊年
 看若樹多還墮隨
 風積更乾明朝預
 王會畏濕雨
 梁冠

和吳冲卿元會

千官車馬闐闐來
 畫漏始上闐闐開
 我我左右升
 龍進昨夜雪飛雲
 作堆殿前冠劍魚
 鱗立東風入
 仗旗脚迴黃鍾一
 奏寶扇掩玳簾
 卷起香霧排鳴
 梢未盡霹靂響翠
 輦已退黃金階聖
 人端冕御法

卷十七

座大樂旋作聲和諧群公抃蹈丹墀下尚書奏瑞
四夷懷乘輿却入更衣閣通天絳袍陞玉榻百拜
稱觴萬歲聞兩廊賜食簪裾匝曲傳太定舞綴踈
波旋煙斂飭宮車衛官解嚴多士退日光停午氣
象舒吳君才華天下傑歸來作詩傳石渠石渠祕
邃無凡愚石渠酬唱皆嚴徐我慙短學復在後收
餘棧棄聊以書

元日

馬屯

依韻和仲源暮夏見寄

曾未學書庭葉類已可驚詩能如阮籍評不愧鍾
榮玉軫調初美冰壺想更清屯園風雪甚還聽鴈
來聲

送韓子文寺丞通判瀛州

掌關河閒守介直天下無選才才且殊鐵網收珊
瑚珊瑚得亦難鐵網取亦劬况茲戎馬郊爲貳維
多謨新春度滹沱冰上少馳驅

十七日和原甫風花偶書

用其韻

風花不戀枝脫萼亂翻飛自學空中雪亭同垣上
衣繞庭面旋久無著衆鳥爭御何處歸

貽妄怒

飲食無遠近所美貴甘饒南方食蝦蟇密捕向清
吠齒咀口且諱聞語輒忿喘此物何醜惡猶勝螺
蚶蜆西蜀亦取之水田名穀犬彼士不為慙吳人
休獨恹豈須若中州牛羊烹大饗

十六日會靈火

章聖皇帝興三宮三宮鼎峙何崇崇天聖七年六
月尾玉清始災壇宇空于今二十有五載上元後

夜星軫中乃聞會靈五殿火丹焰徹天明月紅千
楹萬棟一夕盡赤煙奔突西南風先時二日車駕
幸為民祈福輸清衷大臣驕蹇不從祀岳靈不
歆為不恭若此示變猶影響宜鑒陛下無情容神
非怒乙遂及甲天意警聖不警凶不獨洪水累堯
德堯仁未忍流離共

送潘司封知解州

其父嘗守此州

鹽池暗湧蚩尤血紅波爛爛陽烏熱岸旁遺老記
南風五月滿哇吹作雪白徑嶺上橐駝鳴太行山
中騏驎亦古人射利今人同行商不困何由設朱

轉太守自東來先世大夫留故轍是非取與應不
移秦人休術張儀舌

飲酒呈鄰幾原甫

天地不爭行日月不爭明晝夜自顯晦冬春自枯
榮夸父逐日死共工觸天傾二子不量力空有千
古名寄語賢與愚何嘗見長生我願會良友醉顏
日常頽東海爲酒樽五湖爲杯羹海壑湖且竭盡
倒爲解醒苟死不復知苟生徒牽情項籍乘牛車
馳上廣武城強梁取秦鹿慷慨猶爲輕歸來卧酒
家豈得慙公卿樂亦但如此舉世任營營

寄渭州經略王龍圖

西城索駝來賀蘭入貢美玉天可汗蕭關夜開月
團團彈筆古峽鳴哀湍前將軍不擐甲取大官今
將軍能撫士尚盤桓河西五郡兵氣完駿馬躍棧
無箭瘢我嗟乘劣不受鞍焉得乞與都人看

二十一日雪中赴宿懷鄰幾原甫

正月東都雪多於舊臘時酒賓臨迥閣野雀集枯
枝馬向西城度花從上苑遲劉郎與江叟相對定
爭碁

送永興通判薛虞部

灰宮盜玉秦樓空南山不老天無窮
蘇碑剝爛少文字兩耕拾寶牛蹄中
其旁築城聚貔虎黃土炭葉如削
銅西州吏人氣吐虹摧鱗斂角聽相公
少年別乘勤爾躬幙府甚盛瓊瑤叢

送宣州簽判馬屯田兼寄知州邵司勳

寒溪翠拖碧玉帶蒼山晴卧蛻骨龍
水邊苦竹抽肥筍石上老蕨拳紫茸
泊船繫纜宿明鏡昭亭廟古攢瘦松
陰風雨電潭心起雲遮北嶺如墨濃
田秧浸綠白鷺立內史出喜嘉賓從
昔時謝公來賽神蘭肴作椒金作鍾
聯詩姓名已失板蕪粉落

蟲鳥蹤我脚復傳召南化磨鏤黑石君亦逢

觀拽龍舟懷裴宋韓李

截春流築沙墩拽龍舟過天池尾矯矯角岐岐千
夫推萬鱗隨驚鴻鷁沉魚龜春三月輕服時薄水
殿習水嬉馬特特來者誰魏公子人不窺車麟麟
集其涯邯鄲倡士交馳銀餅索酒傾玻璃用錢如
水贈舞兒却入上苑看闌難擊毬彈金無不爲通
聞天子降玉輦當門虎脚看大旗春風吹花入行
錦紅錦百尺爭蛟螭雲蓋迴綵纒維明年結客觀
未逢

二月四日雪

前日春風初擺條昨夜雪飛深一尺北帝及臘不
行令東皇發煦遺爾厄侵時奪氣四時錯歡問上
天何不責天高地厚語難通倪首下土徒叩額或
言莫信難可聞鶴鳴至微猶不隔休問天問顏
休看花看壘麥

答劉原甫

生早多交友常恨會遇稀每念相笑語昨是今或
非重惜向時游出處苦乖違從今儻有酒莫問梨
栗微前夕呼我飲遣奴來扣扉暗犯風雪往醉脫

冠服歸夜來新霽月清吐萬里輝劉郎戴幅巾江
叟披褐衣相過無百步誰虞竊訶譏三家若循環
但知具甘肥

聞語十方蓮長老

舊居廬嶽寺新化給孤園還享國人供應無塵事
喧有來聽翁後一悟見吹幡不憶爐峯下臨溪看
飲猿

十一日垂拱殿起居聞南捷

二月雪飛雞狗狂錦衣走馬回大梁入奏邕州破
蠻賊絳袍玉座開明堂腰佩金魚服金帶榻前拜

晚稱聖皇一朝嚴氣變和氣初令漏泄飛四方將
軍曰青才且武先斬逗撓兵後強從來儒帥空賣
舌未到已愁茆葉黃徘徊嶺下自稱疾詔書切責
仍勉當因人成功喜受賞親戚便擬封侯王昔日
苦病今不病銅鼓弃擲無鏢鎗

十五日雪三首

寒令奪春令六花侵百花塘冰膠鷺嘴野水澀芹
牙擁柱輕於絮吹埤淨若沙乳禽飢啄木誰悞撥
琵琶

新雷奮地甲密雪鬪鴉毛正欲裁輕殺重令著柴

袍沙泉流復凍煙萼坵還船只待鄰醅熟微聲聽

酒槽

春風九十日一半已銷磨準擬看花少依稀詠雪
多官車猶載炭袍鶴不離寒向北與都盡戴家誰
復過

聞密賜

朝聞政府賀捷回夕賜明月五千枚巍巍聖皇德
所該廟略付與何有哉况未覆穴翦渠魁宜先戰
士老與孩傾肝瀝膽謝不敏豈可便恃張良才

送衛真宰晏寺丞罷長安

粉翠辭苦縣解劍入函關鵲報遠人至馬銜春雨
還荒榛郊北園葱翠國南山歸見蕭何政條令舊
編間

江鄰幾饌鱸

死鱸魚之下曾不享嘉賓又嫌太捷滑治洗煩庖
人煎炙亦苦腥未嘗輒向脣江侯昔南官家善無
此珍昨日遊我餐下筋勝紫鱗乃知至賤品唯在
調甘辛

淘渠

開春溝畝春泥五步掘一漸半富塗如壞堤車無不

轍馬無蹊遮截門戶雖天迷屈曲指足高復低芒
鞋蒼滑雨淅淅老翁夜行無子携眼昏失脚非有
擠明日尋者自親其手提幼女哭新前金吾司街
務欲齊不管人死狀類啼

蓬生麻中

麻畦無曲木蓬實有樛莖所託脩仍直安能縱復
橫擇鄰聞舊學益友記諸生蕭艾從茲速蒿萊不
可并何嗟蔣誦逕孰念衛人行儻匪綠其地秋風
廣漠驚

賣鹿角魚

蘇山少... 蘇山少... 蘇山少...

曾見竹... 曾見竹... 曾見竹...

難去... 難去... 難去...

謝... 謝... 謝...

蘇山... 蘇山... 蘇山...

難對... 難對... 難對...

開... 開... 開...

山... 山... 山...

皇... 皇... 皇...

點... 點... 點...

春... 春... 春...

風... 風... 風...

人... 人... 人...

黃... 黃... 黃...

難... 難... 難...

難... 難... 難...

脚... 脚... 脚...

三... 三... 三...

幸... 幸... 幸...

北... 北... 北...

此去吾鄉二千里不看素萼兩三年移根種子誰
辛苦上苑偷來直幾錢

三月五日欲訪宋中道遇雪而止

蝴蝶飛時雪鬪輕滿街撩亂得人驚欲尋宋子東
城去馬畏春泥不敢行

觀文丁右丞挽辭二首

預政公槐亞談經帝席陳儉恭齊國相清淨漢廷
人去夢嘗為蝶遺文不解麟一聞車馬幸豐賜及
孤臣

春風百花發露挽九原歸白馬悲鳴駐黃鸝下上

飛壠邊新栢盛門外弔人稀獨見東牀客攀車淚
濕衣

廷老傳沛語戲作

夷門市裏侯羸老公子時能釋禮過莫問孟嘗招
致客薛中遺俗尚應多

送齊平叔寺丞赴洛

羣車細馬出虎牢春雲黯黯有舌豪毅雨已近花
欲盡東燭夜飲朝坐曹因君重思昔日歡醉筆狂
掃嵩丘高于今零落二十載縱在各各歎二毛試
接上陽何首烏刮切仍致苦竹刀俗情相望亦異

此競欲折筍籠含桃

送婺州通判徐殿丞 赴上當在後年夏

疾喘怒蛟龍不畏東風逆法法奔長淮千里在咫尺辭梁始及晨過宋尚未夕南州豈難到何處淹行迹

三月十日韓子華招飲歸成

清明曉赴韓侯家自買白杏丁香花雀眼塗金銀
茂籠貯在當筵呼舞娃舞娃取捧笑向客不顧插
壞新烏紗朝來我舍報生子賀勸大白浮紅霞酒
狂有持梧桐板暴謔一似鄱陽槎祖揚擊鼓禰處

士當時偶脫猛虎牙補袞不容又何益鸚鵡洲上

空蕪葭

送下第親舊

花開風雨惡坐見紛紛落明日結子時又復有脫
萼莫嗟樹漸老樹老子亦著共愛西枝繁不數東
枝弱他年會有春却看西枝薄

鷺

一避吳宮火千年楚屋春翅迎風雨健聲入戶庭
頻掠水過長渚街蟲落覆塵休將漢皇后故故比
輕身

雨

春雲易成雨一日幾迴
鷺濕飛猶快花寒色更
深邀車愁客遠盤馬畏泥侵
向晚晴光吐西牕綠
影臨

晴

風掃天如鑑雲開日似萍
苑花猶帶濕蔬甲已微
青蝶翅粉應薄塘滯波更
渟尋春不惜醉莫笑髮
星星

送胡公疎之金陵

綠蒲作帆一百天波浪疾飛輕
鳥翻瓜步山傍

泊人石頭城邊舊游客月如冰
輪出海來江波千里無物隔
自古有恨洗不盡于今萬事何由白
依稀可記鮑家詩寂寞休尋江令宅
楊花正飛鮐魚多食膾舉酒謝河伯
但令甘肥日飽腹誰用麒麟刻青石
去舸已快風亦便寧同步兵哭車輓

送裴虞部知信州

橫青歷歷正面山刺史日坐雲屏間
楚人竟握水精璞漢女買作月珮環
時惟產寶不重穀願當化俗無弃管
往辭丞相相有言物景清絕何由攀

送李推官之岳州

崑崙鷲子五兩竿霧露薄水平湖寒風帆美滿八
百里夕從岳陽樓上看魚跳鷺立月鉤下星斗爛
爛垂欄干羽書不到罇俎裏蠻兵況去荆楚安試
尋燕公舊賦筆磨圭刻碧獨可完

和和之南齋畫壁歌

終南下臨長安城峻欄高檻黃金巖高山亦近洛
陽陌鮮車怒馬一日程大梁平廣匝千里不見雲
峯來眼底其間自有高趣人掃室呼工崑壑啓初
疑巨靈勇擘華不比將軍能聚米暗雨輕煙滿室
中塵事如脂一朝洗又將餘力作修竹石上教

風撼玉葉斜枝亞寒聲盡節老根擗生意是何須
踐苔眠綠陰然後始爲嵇阮公三賢歌詠已見意
舞女不省頻整簪

嬌婦

黃金一丸入雲端群貧望逐滿長安衆人爲貴嬌
不惜弃擲如泥貧彈射藏身葉底有能鳴辜負春
風拖雨翻不飛上天訴至珍幾人辛勤揀砂石

送端武歸漳州

來居天王都常夢若竹溪乃識高僧趣不爲利物
迷海燕乘華屋區區竟街泥安知矯翼臨豈類斷

尾雞性同而質殊何必莊指齊

送黃殿丞通判潤州

前年江州飛火龍樓殿化盡山將鎔今聞棖棟復
華壯大閣渠渠出波上南徐別乘簡且閑下馬岸
旁呼盡舫永日江風不畏人檝師猱獍欺白浪衣
上京塵莫厭多斗擻中流雲在望

揀花

紫絲暈粉綴薜花綠羅布葉攢飛霞鶯舌未調香
華醉柔風細吹銅梗斜金鞍結束果下馬低枝不
礙無關遮長陵小市見阿姊濃薰馥郁升鈿車莫

輕貧賤出問巷迎入漢宮人自誇

次韻和端式見贈

不為阮步兵發詠怨朝陽不學屈大夫行吟思舉
芳其雨豈無時細佩空自香吾道不苟合我懷固
有常江南一畝宅近在句溪旁仕官且如此夢寐
安敢忘以子論言多重歌水桃章

楊公蘊之華亭宰

月徑千里夫中有神娥宮宮旁種玉桂柯葉垂瓏
瓏根墓定其根出輒氣墨蒙光魄縱復吐血赤如
頑銅不知從何時更使人蹤通年年折桂枝寬少

尚易充今年初都盡禿株立童童株禿莫爾攀墮
雲雙手空歸來走海上買鶴問吳翁

端午前保之太傅遺水墨扇及酒

畫扇雙酒壺置前兵吏立言將國匠奇重以風義
執樹石冰上看山河月中入便持菖蒲飲不畏青

蠅及

送汝陰宰孫寺丞

雁郎唱榜鷺尾下潁水落日地鱗生綠蒲被岸漁
網舉黃鳥啄甚綠卑鳴吏無詬粗官正來不借魴
缺與之烹饋吏人情見里黨官非喜慢知官清

和晏穎師四明十題

雪竇山

重雲不藏春深竇常有雪曉月號松猿晴壁挂海
霓終恍無心人區區佩環玦

龍隱潭

老龍戀潭窟不雨亦不雲吐涎出溪滑吹腥隔林
聞疾雷驅未去魚鼈競紛紛

含珠林

山為驪龍蟠谷作驪龍顛珠樹存其間誰採明月
來何須循海隅笑蚌未成胎

偃蓋亭

既將茅覆簷復有松為蓋五里入山時憇此得寒
籟曾無康樂游但見雲衲會

雲外庵

山僧好寂靜入雲恨不深峯間一雨昏林表孤燈
沉往來有猿狖呼嘯自成音

石筍峯

巨石如龍孫聳聳煙霧裏明明落落溪口納納喧灘
齒何當助齋盂菌蕃徒為美

宴坐巖

智覺禪師
於此不睡

心危身亦危衽席尚顛墜如何崑石上來坐自安
意能諭死生間無論寤與寐

三層瀑

山頭出飛瀑落落鳴寒玉再落至山腰三落至山
足欲引煮春山僧房架剝竹

丹山洞

山無鳳皇飛洞有仙人跡蝙蝠大如鴉莓苔偏上
屐自慙無道骨安問綠雲客

獅子巖

崑形若狻猊不能千里走豈無鳥獸群當假風雷

吼寄謝棲息人想像真妄有

卷之七

自漢無直守

山無風皇殿

山無風皇殿

山無風皇殿

宛陵先生文集卷第十七

卷之七

山無風皇殿

山無風皇殿

宛陵先生文集目錄卷第十八

和原甫省中畫壁

和原甫見寄

與子華自內中歸

吳沖卿出古飲鼎

和沖卿秘閣觀墨蹟

逢羊

和原甫對月見邀

和原甫早赴朝

送提點施屯田

和原甫山水

醉和范景仁東軒

送傅都官待闕

江鄰幾邀觀書

同鄰幾登吹臺

和張寺丞見贈

和原甫月夜獨酌

和原甫盆池

和鄰幾晚赴館宿

送蒙城宰林寺丞

和原甫曉雨

送余中舍知德陽

勉裴如晦

送謝寺丞知餘姚

與蔣秘校久別復見

別弟彥臣

和穎老見寄

送余中舍韶州錢監

七夕詠懷

送弟禹臣

送叔昭上人

山茶樹贈李廷老

送吳都官成都倅

和原甫昭君辭

再依韻

飲劉原甫舍人家

和萊叔退朝見寄

劉涇州觀

送劉秘校赴婺源

送閻郎中知磁州

和景彝冒雪晚歸

和景彝赴鄰幾飲

和冲卿傷何濟川

和景彝赴省宿

送李獻甫

送周諫議知襄陽

和原甫畫蟹

目錄終

卷八

目錄

宛陵先生文集卷第十八

依韻和原甫省中松石畫壁

富彥國為省判
日令許道寧畫

山林與城闕事物不相對
唯聞東道義所處無內外
趨煩而毀靜此理乃俗輩
昔有天下賢喜得名筆
會買粉塗南墻松石生
屋內石怪如春濤松偃
如起籟畫來二十年數
偶未輒愛罕親憑按顏
但覩抱犢背雖當省闈
嚴晦昧欲何賴今逢
茂陵人獨唱亦豪邁

依韻和原甫廳壁許道寧山水云是富彥

國作判官時畫

山情水思半軒間試問來居有底閑唯有才高方
暇佚無論歲月自能攀

依韻和劉原甫見寄

憶昔游臨汝干時太守賢
山尋順風處城得豢龍
遷民頸纍纍大池荷一一圓周碑
嗟缺矣少室望嶽然羸馬居人後
歸禽落我先事還如響答老夫
若波旋賦分都應定元功豈得偏
不須天以問自可鑒於前
王粲今方樂邊韶舊好眠
漢宮聊擲楚學競通禪語道
滔滔是論情往往牽平生二三
友南睇不勝悵

入木
醉和范景仁賦子華東軒樹次其韻
五月吉
樹影落東墻影微人已醉
休看枝上綠但對眉間
翠

五月十四日與子華自內中歸

君注起居同左史我爲委吏退延和
共經南陌東風急側帽偷看意已多

送傅越石都官歸越州待闕

越客舟從真定至夜夜鏡湖生
夢寐曉度吳江百尺船洗眼
重看會稽翠買臣負薪樵徑荒
伯鸞賃春苔曰棄綠橘黃柑帶
葉收白粳紫鱗侵霜飲食

難易美瘦易飽綠橋佐酒柑佐醉莫論仕宦遠與
近布被練袍何所利君恬不忍乞丐為且返故廬
聊以遲

吳沖卿出古飲鼎

精銅作鼎土不蝕地下千年鮮花幕腹空鳳郊留
藻文足立三刀刃微直左耳可執口可斟其上兩
柱何對植從誰發揚歸吳侯來助雅飲歡莫極又
荷君家主母賢翠羽胡琴令奏側絲聲不斷玉箏
繁繞樹黃鸝鳴不得我雖衰老為之醉玩古樂
人未識

二十四日江鄰幾邀觀三館書畫錄其所見
五月祕府始暴書一日江君來約予世間難有古
畫筆可往共觀臨石渠我時跨馬冒熱去開厨發
匣鳴鑰魚義獻墨迹十一卷水玉作軸光疏疏最
奇小楷樂毅論永和題尾付官奴又看四本絕品
畫戴嵩吳牛望青蕪李成寒林樹半枯黃荃工妙
白兔圖不知名姓貌人物二公對弈旁觀俱黃金
鋪鏤為投壺粉障後畫一病夫後有女子執巾裾
床前紅毯平圍爐床上二姝展氍毹繞床屏風山
有無畫中見畫三重鋪此幅巧甚意思殊孰真孰

假丹青模世事若此還可吁

依韻吳冲卿祕閣觀逸少墨蹟

奇哉王右軍下筆若神聖長戈與伏弩無不從號
令賢豪雖林立帖敘孰敢競師徒氣揚揚龍虎旗
正正勝聲塞宇宙自昔無此盛赫赫猶至今瑰瓚
曷云並崇崇中祕書濟濟士游泮囊寶收盈厨來
觀遇已橫始知前人蹟鱗多自失勁紙素儻未壞
萬古傳莫竟一從歸人間夢寐不能更但媿將短
才輒爾接高詠何羞趙壹窮自有鍾嶸評嘗聞曹
將軍尚請賦競病我生羣俊末貧賤亦足慶文成

終媿君鈇刀值枯梗

同江鄰幾龍輔之陳和叔登吹臺有感

在昔梁惠王築臺聚歌吹笙簫無復聞黃土化珠
翠當時秦兵強今亦歸厚地我與諸賢良舉酒莫
言醉曾誰問孟軻空自有仁義

逢羊

予晨過北郭見群羊有羝處前其首卬然而偉脂
其角拱然而聳其毛茸然而長自膊至腕駸駸與
纓胡相若其群狼逐而擁趨如奉焉及其宰也羝
存而群死之予歸作詩示諸友云

牧人垂長髯驅羊從北道老羸歷大羣毛比長髯
好暮歸同一欄朝出不擇草既肥當用烹從茲
獨保狡誘以全軀角尾徒爲老

依韻和張中樂寺丞見贈

朝車走麟麟暮車走轅轅黃埃蔽車輪赤日耀
屋靡論遠與近安問踈與熟賢愚各有求往返相
磨轂我馬不出門我蹟亦以跼心慕中樂賢道義
聞且宿其言清而新其貌古不俗書可到二王辯
可折五鹿徃見未爲勞定交然後篤惠詩何勁敏
對敵射銅鏃穿楊有舊手驚雀無全目強酬非所

當宜將弓矢速

依韻和原甫對月見還不至

每愛孔北海樽中常不空今無酒與客唯有月兼
風遠色曾何隔微涼亦已同更期三五夕靜坐接
談叢

依韻和原甫月夜獨酌

月下馬蹄休擾擾夜涼蟲響競囂囂一杯獨飲愁
何有孤榻無人膝自搖北斗柄高天漸轉小冠簪
冷髮微凋誰知靜對頽然影竟夕幽懷豈易聊
依韻和原甫早赴紫宸朝待旦假寐

月落西樓露氣寒大明將謁望清斑燭房猶照衣
冠上滿舍欲爲魚鳥間入仗采旗開日月在庭公
東巖雲山我慙一似朝宗水亦得隨流到海還

依韻和原甫新置盆池種蓮花菖蒲養小
魚數十頭之什

瓦盆貯斗斛何必問尺尋菖蒲未見花蓮子未見
心小鮮不足烹安用芎餌沉戶庭雖云窄江海趣
已深襲香而玩芳嘉賓會如林寧息千里游鳴櫓
上清泠

送施屯田提點銅場兼相度領外鹽筴使

江西采銅山未竭南越熬波海將結主人貪利不
畏刑白日持兵逾盜竊銅私鑄器鹽奪商死共吏
爭蛇鬪穴姦豪乘勢倚巒陬劫掠聚徒成蟻垤今
雖驅翦嶺下平尚恐根存更生孽因擇健才通便
民付職與權將有設秋香亭上共爲賓却作主人
殊少悅徂東走北十五年只有山川看不別

依韻和江鄰幾癸巳六月十日同刀吳韓
揚飲范景仁家晚赴館宿觀吳興太守章

伯鎮題壁記辛卯仲秋初吉九月十一日
十月二十二日十一月十一日壬辰二月一日

館直慨然有感

江翁多感槩飲散來直廬題蹤有舊友連蹇常與
渠昨歸天祿下念昔悲有餘未久復外補安能戀
清虛得請向茗雲幽懷寄禽魚高城浸湖光面面
當紅藥晚乘畫舫游四坐羅輕裾數盃已酩酊萬
事應破除不愛趨時近不恤與世踈百歲且過半
冉冉將焉如誰慕八十叟猶在磻溪漁嗟哉再宿
夕乃自仲秋初清談固隔絕可見壁上書

送林大年寺丞宰蒙城先歸餘杭逋之姪孫
東方有奇士隱德珠在淵川壑爲之媚草樹爲之

妍歿來十五載獨見諸孫賢煌煌出仕塗皎皎如
淮蠙今爲蒙城宰歸問浙江船何時度揚子夜入
明月邊有鳥不化鳧有琴何用絃真趣還自得治
民嘆力田

依韻和原甫六月八日曉雨

侵曉忽飛雨颯然戶庭涼滴堦初聞聲濯樹暗有
香吹燭焰閃閃鳴雞濕昂昂稍已便衣冠喜氣眉
宇翔安然如涸魚响沫久已望塵纓自可潔何必
念滄浪

送余中舍知漢州德陽

匹馬易爲秣單車長是輕秋風來棧道宿雨度關
城石上樹林暗山根江水明桐花鳳何似歸日爲
將行

勉裴如晦

裴侯失嬰兒心腸如焚煎愛玩白玉玦墜地不復
全收拾見顏色瑩澈猶自妍鳳皇生九雛一卵破
易捐況多令男子拭淚慰目前

送謝寺丞知餘姚

其姪師厚嘗宰此邑

姚江千里海汶應山井亦與江湖通秋來魚鱉不
知數日日舉案將無窮高堂有親甘可養下舍有

弟樂可同縣民舊喜諸郎政芻力莫媿今爲翁

與蔣祕別二十六年田棊二十年羅拯十

年始見之

我今五十二常若離別煎屈指數離別正去一半
年三君異出處相見有後先蔣最會遇早羅倍晚
於田仕宦比我遲官資居我前此亦漫輕量無限
歸荒墟所喜笑語同各驚顏貌遷髮有霜華侵目
有蜘蛛懸有酒易以醉有奚徒用妍醒來念功名
病曠希蛻擬安得有園廬寬閑近林泉養魚數千
頭種蔬三四廬餘蔬皆種此嘉果植亦然既無俗

造請窮及事高眠困貯白粳稻酒沽青銅錢飯過
引數杯今兒誦嘉篇仰首看赤日區區隨天旋朝
見出滄海暮見入虞淵畢竟將何窮磨滅愚與賢
億億萬萬載筋骨非玉堅桐棺三寸厚在昔誰免
焉去去欲及時嗟嗟無由緣

於三十一弟彥臣二十八日

朝辭都城裏暮止汴堤頭滿目非相親寂默對河
流

依韻和雪竇山曇穎長老見寄

處山無獸山林鳥正關關月入潭心白花明谷口

閑采新能自至流水不知還聞欲觀滄海高峯峻
亦攀

送余中舍監韶州錢監

孤青水中石片白蒼梧雲虞舜不可見蕭韶不可
聞君為漢錢官鑿山取銅鑛韶石不生銅留為千
古景

七夕詠懷

織女無恥羞年年嫁牽牛牽牛苦娶婦娶婦不解
留來往一夕光弈弈河漢秋輕傳人世巧未知何
時休喜鵲頭無毛載雲駕車輞老鴉少斟酌死欲

同造舟明月不到曉是夜曲如鈎天意與物理注
錯將何求嘗聞阮家兒犢鼻竹竿頭人生自有分
豈媿曝衣樓

送弟禹臣

王都寓居樹陰少惟有墻隅兩株棗去年相見棗
花開今年相別棗實好棗實未剥風莫吹我鬢愁
多似蓬葆淮南到時何所逢秋葉蕭蕭蠲應老憶
昔共歸江上初對飲蘆洲月如縞半夜魚跳鏡波
光萬事臍然何足道自此重經二十秋不改青
岸旁草

送叔昭上人附施屯田歸宣城

瓶巾過江去遠託故人舡借問風濤勢何如不度
年

山茶花樹子贈李廷老

南國有嘉樹華若赤玉盃曾無冬春改常冒霰雪
開客從天目來移比瓊與瑰贈我居大梁蓬門方
塵埃舉武尚有礙何地可以栽每游平棘侯大第
夾青槐朱欄植奇卉磨碧爲壘臺於此豈不宜亟
致勿徘徊將看榮茂時莫嗤寒園梅

送吳照鄰都官通判成都

君家婦何賢捨舟具車轂五年夢在梁三年行向
蜀迢迢今日同辛勤昔時獨看花久莫留買錦慰
不足歸來兒女大婚嫁應相續

依韻和原甫昭君辭

武帝常勒兵北登單于臺始欲以威伏竟亦慙懷
來徒令出塞師萬里求龍媒未弭後世患玉顏困
黃埃丹青不足恨謀慮少徘徊月如漢宮見心向
胡地摧在昔李少卿聽笳動悲哀壯士尚如此娥
眉安得開情語既不通豈止腸九回初冬誠難保
死不如草萊

再依韻

一嫁異域去不復臨鏡臺念昔辭家時豈爲單于
來適遐固亦命配醜非由媒始欲並日月今嗟隨
風埃僕侍共慘戚山川空徘徊鴻鴈爲之悲肝腸
爲之摧寧聞琵琶樂但聞琵琶哀休言羊酪甘誰
喜瓊廬開故國萬餘里此生那得回乃知女子薄
莫比原上萊

飲劉原甫舍人家同江鄰幾陳和叔學士
觀白鵬孔雀鳧鼎周亞夫印鈿玉寶赫連
勃勃龍雀刀

主人鳳皇池二客天祿閣共來東軒飲高論雜談
詭南籠養白鵬北籠養孔雀素質水紋織翠毛金
縷薄大誇鳧柄鼎不比龍頭杓玉印傳條侯字辯
亞與惡劍刻辟邪符寶殊制作未觀赫連刀龍
雀鑄錄鏐每出一物玩必勸衆賓酌又令三雲髻
行酒何婫約固非世俗驩自得閱古樂聖賢泯泯
去安有不死藥竟知不免此烏用強檢縛開目即
是今轉目已成昨歸時見月上酒醒見月落恍然
如夢寐前語誠不錯

次韻和永叔退朝馬上見寄兼呈華原甫

公歸初退內朝班馳道南頭躍錦鞍欲雨浮雲猶
復暗背陰殘雪愈生寒穿槐已覺春禽語載酒重
思結客驩吟寄侍臣知有意翠鬢爭唱口應乾

劉涇州以所得李士衡觀察家號蟾蜍硯
其下刻云天寶八年冬端州刺史李元德
靈卵石造示劉原甫原甫方與予飲辨云
天寶稱載此稱年偽也遂作詩予與江鄰
幾諸君和之

硯如剗墓腹如月又若剖瓢萌強發鵠題天寶年
造之刺史李元傳自越剗墓剖瓢我莫分稱載作

年初辯君君雖能辯猶曰實原甫詩云李侯寶硯劉侯得實茲偽

物吾何云仰天大笑飲君酒硯真硯偽休開口願

封漆匣還與侯請共江翁獨持守江詩云劉侯寶此硯勿忘慎勿將心逐水轉

送劉攽秘校赴婺源

雲木葱龍麴雞鳴古縣城山高地多險源近水偏
清斫漆資商貨栽茶雜賦征案頭龍尾硯切莫苦
求精

送閻中孚郎中知磁州

簫管梁王臺風雪邯鄲道君行守趙城我向夷門
老持麾邦寄重歌袴民欣早重岡古獵場驚兔雉

衰草

次韻和王景彝十四日冒雪晚歸

子猷多興憐飛雪向晚歸時又見飄拂馬隨人如
着莫舞空吹面亦勝消閉門我作袁安睡呵筆君
為謝客謠記取明朝朝謁去毳裘重戴冷寥寥

和王景彝晚逢赴江鄰幾飲

殘雪晚生寒良朋邀我飲逢君三省歸交轡一相
審乘興興未盡既盃盃太甚夜闌踏月迴火冷人
已寢

次韻和吳冲卿傷何濟川

生愛虛名苦辯亡，淪精竭智可哀傷。
誰將事附三公傳，自有文誇古戰場。
墳土未乾還卜穴，挽聲絕絕又新章。
是非從此方應定，弟子猶爭左氏長。

次韻景彝赴省宿馬上

烏紗帽底青眸轉，朱雀街頭玉轡搖。
燈火高樓吹短笛，簾櫳斜巷隘初宵。
身歸蘭省唯看月，心在天津欲倚橋。
枕上夜深應不寐，羨他年少酒微銷。

送李獻甫

覽君南來詩如對江上景，今忽告我歸東風。
生馬頸馬行日幾里，到家梅萼逞重登。
石頭城爲我一

引領

送周諫議知襄陽

藹藹荊州幾萬家，竟持壺酒望高牙。
兒尚唱銅鞮曲，老舊爭隨畫鹿車。
雄鴨綠頭看漢水，肥鵝縮項出漁查。
鄉人應笑張平子，只有歸田賦可誇。

依韻和原甫廳壁錢諫議畫蟹

諫議吳王孫，特畫水物具。至今圖寫名，不減南朝顧。
濃淡一以墨，聲殼自有度。意將輕蔡謨，殆被螿甚誤。

宛陵先生文集卷第十八

[Faint bleed-through text from the reverse side of the page]

宛陵先生文集目錄卷第十九

和景彝喜子修書

送趙虞部

月蝕

和刁景純春雪

和楊待制詠雪

和景彝省宿

姪與甥下第

次韻和永叔

和范舍人對雪

歲旦呈永叔

和冲卿歲暮有懷

和冲卿元日

和景仁對雪

三和景仁對雪

和永叔新歲書事

送辛都官知鄂州

和景彝過景靈街

送韓玉汝知洋州

李祠部寄荆柑

韻語答永叔內翰

和子華移紅薇

和吳舍人即事

和長文社日出郊

和長文襟祀郊外

送馬都官

和景彝詠薛荔

和鄰幾賞小桃

長歌行

和長文春雨二首

送滕寺丞歸蘇

和醇求叔

和鄰幾同過金明池

目錄

宛陵先生文集卷第十九

次韻和酬裴寺丞喜字修書

唐宋典冊竟駢羅漢詔重令與削磨古聖規模猶
可法衆賢馳騁必無蹉既除太史來為尹遂用非
才往補訛代匠只憂傷手甚君宜憐我不違他

送趙虞部士宏知蜀州

春風跨臘至雪作蝴蝶飛偏知蜀太守撥亂撲行
衣何當海棠下歌管紅袖圍一飲一斗酒決訟如
發機洛陽花自好聽從杜鰲歸

月蝕

有婢上堂來白我事可驚天如青玻璃月若黑水
精時當十分圓只見一寸明主婦煎餅去小兒鼓
鏡聲此雖淺近意乃重補救情夜深桂兔出衆星
隨西傾

次韻和酬刁景純春雪戲意

雪與春歸落歲前曉開庭樹有餘妍楊花撲撲白
漫地蛺蝶紛紛飛滿天胡馬嘶風思塞草吳牛喘
月困沙田我貧始覺今朝富大片如錢不解穿

次韻和楊樂道待制詠雪

梁苑孝王跡灞陵游客心牧羊來海上泛棹向山

陰興賞曾何淺羈棲亦以深穆歌猶在竹郢曲自
傳琴旗凍霑天仗槍寒拂羽林且爲豐歲慶休作
苦寒吟掩帙都忘慮焚香靜擁衾晴明一登閣暮
色徧高岑

次韻和景彝閏臘二十五日省宿

君嘗納史似吳兢又直甘泉馬踏冰重臘雪花
方漫漫宿廳書架自層層按頭美酒初溫火簾底
微風欲動燈未夜未眠鍾已發此心閑寂是高
僧

姪宰與外生蔡駟下第東歸

事莫必有勝必勝難可持邇來罕相見世上多誇
馳黃金鑄佩印白玉刻佩龜朝見恃赫赫夕見同
蚩蚩方得靡不羨既處焉所施此理非一日更後
當應知志士無終窮斯言非爾欺

次韻和永叔

省樹高槐雪壓條沉沉古屋蔽疏寮每嗟守印如
枯木欲棄明珠學緯蕭漸老但知貧賤樂向來徒
用歲時銷新年不管魚龍躍安得乘風入剡樵

次韻和范景仁舍人對雪

三尺沒霄雪京華頻歲無高低相掩覆竅隙似封

糊帖缺都迷醜增妍不問枯因時混貧富遇物得
圓觚眩目曾何數流風不可圖冥冥山霧合浩浩
海雲鋪未覺花飛葉先看霰集珠落機裁扇素獵
野割膚腴粲兩娥奔月皓然叟赴圃薄才今揣稱
小巧媿非夫

嘉祐己亥歲旦呈永叔內翰

堦前去年雪鏡裏舊時人不覺應銷盡相看只似
新屠酥先尚幼綵勝又宜春獨愛開封尹鍾陵請
去頻

次韻和吳冲卿歲暮有懷

舊曆卷將盡慨然增永懷唯希步兵醉莫作太常
齋孟浪從人笑踈愚共世乖定知當汨沒名不與
功借

次韻和冲卿元日

天心欲銷變元會罷來朝新歲起今日舊年猶昨
宵凍雲低覆闕殘雪稍封條又聽驅儻鼓群邪不
可饒

次韻和景仁對雪

北風吹雪至浩蕩地疑無弈弈將如舞漫漫欲似
糊沙場行不盡銀漢落應枯興發詩千首豪吞酒

百觚山川容可改圭璧巧能圖花竟因酥點砧華
以練鋪未燭調鼎鷓全混蔽旒珠懷昔餐衣絮誰
今食黍腹善歌知寡和釀飲遂成醪
多多困老夫

次韻三和景仁對雪

北度龍沙遠南來狗犬無玉階三尺峻粉壁萬重
糊獸餒行迷亢禽寒立並枯長川平界限大屋竦
稜觚稍見蓬萊闕初張雲霧圖受降琴甲積罷獵
羽毛鋪被褐思懷實游都學賣珠車皆陳漆轡人
盡得瓊腴縞已贈吳札席將開漢醕鳳池批詔手

特地逞工夫

次韻和永叔新歲書事見寄

尖風細細欲穿簾
殘雪微銷凍結簷
盞裏醇醪無限滿
鏡中白髮不知添
妍童喜舞開羅幕
小吏愁嘶入硯蟾
幸得從公持直筆
定應無復歎齷鹽

送辛都官有終知鄂州

衣上大梁雪
門前武昌車
使君行有期
將逢烏隼旗
車動自輕輦
旗輕自舒舒
去都越千里
城在江上春
黃鸝有高樓
樓頭挂蟾蜍
下見鸞鷖洲
菼菼可以道
爲弔禰處士
沉蹤異三閭
憶昔我仲父

馬來躊躇願君訪舊跡因報八行書

次韻王景彝正月十六夜省宿過景靈街

宮街不閉東城月
圓影絕虧夜色
春自躍金羈
來宿省從他錦帳
欲誇人燈光遠
近疑爭畫歌顏
高低競起塵
我老都無游樂意
似君清枕睡侵晨

送韓玉汝太傅知洋州三首

函關見殘雪
褒谷聞春禽
禽響通朱輪
馬嘶入青林
花明亂石路
雲抱寒泉岑
天外漢江來
城下魚網沉
庖供縮項鱸
坐使宮娥掛農桑
不須教古俗自通今

渭入秦宮古褒分蜀道難泉聲春雨後月色曉程
寒蠶冷桑牙短禽啼杏萼丹從來稱邵杜民俗在
君安

春風東來幾萬里相送入關如有情灞陵原邊柳
條暗咸陽橋畔桃花明自古恨別此兩處十千美
酒瑠璃傾日落未落車馬動子規滴血壯士驚行
哉使君負膽氣蜀道雖險心常輕是時門前大桐
樹爛漫紫萼啼流鶯弟兄同懷不可見應亦夢覺
嗟遠程太白山前一尺雨桑下問蠶田問耕
夜開百姓喜喜從迢遞壺漿迎

李廷老祠部寄荆相子

踏雪衝風馳小吏帶霜連葉寄黃柑餅包欲咀才
全動舉盞逢衰酒易酣書尾自題知遠意筆頭親
答獸多談故人莫覓新詩卷都似嵇康七不堪

韻語答永叔內翰

世人作肥字正如論饅頭厚皮雖然佳俗物已可
羞字法歎中絕今將五十秋近日稍稍貴追蹤慕
前流曾未三數人得與古昔儔古人皆能書獨其
賢者留後世不推此但務於書求不知前日工隨
紙泯已休顏書苟不佳世豈不寶收設如楊凝式

言且直節脩又若李廷中清慎實罕侔乃知愛其
書兼取爲人優豈書能存久賢哲人焉度非賢必
能此惟賢乃爲尤其餘皆泯泯死去同馬牛大尹
歐陽公昨日喜疾瘳信筆寫此語謂可忘病憂黃
昏走小校寄我東郭陬綴之輒成篇聊以助吟謳
次韻和韓子華內翰於李右丞家移紅薇
子種學士院

紅薇花樹小扶踈春種秋芳賞愛餘丞相舊園移
帶土侍臣清署看臨除薄膚痒不勝輕瓜嫩幹生
宜近禁廬此地結根千萬歲聯華榮莫比華

次韻和吳長文會人即事見寄

莫問春風有後先但逢佳處去揚鞭桃花洞遠迷
應久杏樹壇荒迹自傳放與曉寒能幾許即看芳
意不多偏古來閑氣爭強弱謾費黃金拋楚權

次韻和長文社日禡祀出城

曉出春風已擺條應逢社伯馬蹄驕壇邊宿雨微
霑麥水上殘冰墜過橋鷺子飛來依約近鴈行歸
去試教調北扉西掖多才思相與飄飄在沈寥

次韻和長文禡祀郊外見寄并呈韓子華

鶉鷄知雨在桑中雄逐雌飛自不同胡粉未生輕

蝶白燕脂先綻野櫻紅高高樹裏鞦韆月獵獵墻
頭落蕾風曉下祠壇多寄詠衣冠方侍大明宮

送馬行之都官

昭亭山下送君時不畏西行劍棧危竿馬跨來身
更健吳船乘去計非遲錢塘湖上尋雲屋巾子峰
前種槿籬此趣已高天下士不須功業似鷗夷

和王景彝詠薜荔

植物有薜荔足物有蜥蜴固知不同類亦各善綠
壁根隨枝蔓生葉侵苔蘚碧後凋雖可嘉勁挺
松柏

和江鄰幾省中賞小桃

年年二月賣花天唯有小桃偏占先初見嫩紅無
不喜終知俗艷幾多妍鄰翁已折郊園裏貴客爭
誇粉署邊可惜工夫吟向此會須留醉牡丹前

長歌行

世人何惡死死必勝於生勞勞塵土中役役歲月
更大寒求以暝大暑求以清維餒求以饑維渴求
以觥其少慾所惑其老病所嬰富貴拘法律貧賤
畏笞榜生既若此苦死當一切平釋子外形骸道
士完髓精二皆趨死徒足以見其情遺形得極樂

昇仙上玉京是乃等爲死安有蛻骨輕日中不見
影陽魂與鬼并莊周謂之息漏泄理甚明仲尼曰
焉知不使人道傾此論吾得之曷要世間行

依韻和長文紫微春雨二首

年年潑火雨苦作清明寒梨花猶半綻塘水已迷
漫愁看日更永冷漏夜未闌酒沫起玉盞燭淚生
銅盤春衣向來脫帶眼斗覺寬試問彼侯少何處
跨金鞍

春雨固多喜雖多安得愁既能勒花苞又解滋
疇池添痕痕漲渠有細細流不同離婦怨一落不

可收定知矜有年豈似斗粟賙西掖吳夫子吟觀
意遲留正聲賸雅頌高論等陽秋我慙才甚薄難

繼東山謳

送滕寺丞歸蘇州

驅車入蜀時有弟母不往留婦侍母傍以子囑婦
養昨得間門書婦子死泉壤此心那得安弃官提
轡執東馳三千里鬻馬求吳漿吳漿速如飛歸來
拜堂上堂前去時樹已覺枝條長豈無懷抱感爲
壽酌春醪

次韻和疇來叔

春候倏已和林上鳴鳥譁前日是清明驟雨霑梨
花初聞結客游愛此物景嘉歌舞未終宴夕暮各
興嗟所嗟歸路暗嘶馬自知家公家八九妹鬢髮
如盤鴟朱脣白玉膚參年始破瓜幾日苦霖霖當
道跳魚鰓閉門飲濁醪鞦韆繫樹丫群妹莫要劇
為公歌啞啞公當是日醉歡適不可涯孔氏有高
第內自戰紛華我公豈其然秉直異蓬麻果効歸
田去願從招轅車

次韻和江鄰幾送客回同過金明池

送別西亭車馬塵天池回傍欲迷津盡船龍尾何

時發丹杏梢頭漏泄春

風光猶未老於人獸口泉聲瀉碧津一洗塵襟無
俗慮柳條開眼共看春

宛陵先生文集卷第十九

死陵先生文集目錄卷第二十

和劉原甫過予飲

送湯秀才下第歸

送門人游江西

答來上人春日即事

送楊職方信州倅

送勾太丞穎州倅

和永叔六篇

詳定幕次呈同舍

代鳩婦言

看花呈子華

禁中鞞紅牡丹

和鄰幾桃花

啼鳥

次酬縉叔遺酒

和景仁殿幕閑興

游延義閣後藥欄

龍栢

延義閣牡丹

奉呈諸君

細竹閣詩

夜賦

三月九日迎駕

浹日

宮槐詩

景福殿醑

詩

石詠

遺旬呈

晨起

金沙花

賜食

賜酒

賜書

賜燭

賜果

檜詠

柳絮

殿後書事

雨夜

景福殿水

雨後

象戲

再觀牡丹

白牡丹

紫牡丹

七寶茶

庖煙

省中

天上

明月

再賦

殿中柳絮

目錄終

目錄

宛陵先生文集卷第二十

次韻和劉原甫紫微過予飲酒

所居汴水近未有鼓吹蛙昨日春雨晴車騎臨我
 家我家苦僻遠庭下無泥沙為撤甕面酌為煎鷹
 爪茶乳羹芼紫莖蜜果釘乾瓜與我相對飲但恨
 諸友邀笑語雖同昔放浪不少加忽觀壁間字坐
 歎目昏花公壯尚若此我老死豈賒門前賣桃李
 呼買婀娜華東簷大槐樹上有烏雀譁恃雀無猜
 嫌醉弁已傾斜將去還見規禮數何檢差後從江
 韓來襁帶歡莫涯

送湯廷賞秀才下第歸

參差綠柳上撩亂黃鸝飛失意暫時孤獨嗟千里
歸淮船行欲駛江紕去應肥謝眺吾鄉守欣欣見
如麻衣

送門人歐陽秀才游江西

客心如萌芽忽與春風動又隨落花飛去作西江
夢我空無梧桐安可久留鳳凰巢在桂林鳥哺不
得共無忘桂枝榮舉酒一以送

卷末上人春日即事

南國三衣客玉城一見春花明馳道遠雨漲御溝清

新茗憶山中物雲懷嶺上陟如何異鄉感却出解
空人

送楊申職方通判信州

從來饒信吏愛寶襲侈越莫買冰玉盤蒼山斷明
月明月有時生窮巖有時竭君常抱清節歷職老
無關與我年齒同獨未變華髮又爲江外行盡舸
羨明發

送勾諶太丞通判潁州

潁川倒灣流欄船曲轉鉤吏迎如太守民望亞諸
侯芳圃深通野寒湖半抱州前賢多舊迹佳詠聽

君留

和未叔六篇

嘉祐四年春 御試進士翰林學士歐陽永叔韓
子華集賢校理江鄰幾同為詳定官有詩六篇出
而使予和焉

詳定幕次呈同舍

苑樹天邊雨露勻 羣公偷看錦叢新 眼穿欲折無
由折 賞到人間不是春

代鳩婦言

不如作爾 依蟻 築以絲 自是還自足 與爾為

過一生怒即分飛 同轉目辛勤 哺雛寄鵲巢 子
母生離因爾逐 羽毛曾未顏色衰 飲啄不計豐
儉 時天陰輒遣呼 輒歸恩情紙薄 誰信之朝為
夫婦 夕行路世間反覆 那能知 伋妻白母非美事
後代放此誠堪悲

看花呈子華內翰

時不選數老獨嗟 鬢毛未變 自未花愛公深 殿見
桃李長才高詠 無能加紅英灼灼 弄日色穠艷皎
皎 生鈿華長廊 垂幕風不動 映柳黃鶯吟未 涯燕
銜新泥 補巢缺 蝸壓峻陞 臨角斜是時 唯聞鳥雀

開盡日不聽車輪譁雖傳此景無分到但訝習慣
猶豪誇他年造物儻有意不使齷齪居貧家

禁中鞞紅牡丹洛中花之奇者

與公同是洛陽客今日論年皆作翁一見此花知
有感衰顏不似舊時紅

和鄭幾學士桃花

深疑有春人到稀武陵雖說味當時躊躇莫憶人
問世恐至塵中悔却遲

啼鳥

擬胡盧提胡盧爾莫勸翁沽美酒公多金錢賜

耐名聲墜時爲不朽百舌子百舌子春泥方滑滑
泥雖滑滑輦道平莫學竹雞言易發深宮許爾來
報春便是好鳥同其群清聲轉入君王耳安用穿
叢苦避人桃李無言何所益畢竟有謝須紛紛莫
以榮華長不歇人間已見翟公門安不忘危誰可
貴貴時能憶困時聞

縉叔以詩遺酒次其韻雜言

君嘗謂我性嗜酒又復謂我耽於詩一日不飲情
頗惡一日不吟無所爲酒能銷憂忘富貴詩欲主
盟張鼓旗百觚孔聖不可擬白眼步兵吾久師君

多賜壺能以遺向口滿椀傾玻璃醇釀甘滑泛綠
蟻從此便醉醒無期既以樂吾真亦以泰吾身莫
問今人與古人

和范景仁王景彞殿中雜題三十八首並次韻

殿幕閑興

宮殿深沉處鶯鶯花爛漫時關關啼清吭舊舊發朱
韃天上春應早人間日轉遲得賢如漢盛五字變
周詩

游延義閣後藥欄

授經聞漢帝嘗此講秦餘一日承丹詔同時見子

虛來游瓊閣外閑傍藥欄初柳絮輕粘履嫩條虛
惹裾解歸策上鷲思寄袖中書此鳥如矜慎飛
與客疎

龍栢

花非龍香葉非栢獨竊二美誇芳蕤苦練不分顏
色近紫荆未甘開謝遲羣公莫以得地貴竟費佳
句何足思

延義閣牡丹

花中第一品天上見應難近署多紅藥層城有射
干生雖由地勢開不許人看天子何時賞宮娥捧

玉盤

奉呈諸君

參天朱閣峻拂地柳條垂太液綠波漲建章春漏
逢長人執兵立小豎插花嬉但只逢人說無由預
此時

細竹

森森漢宮竹託本異孤生玉砌綠根迸朱闌與筍
平朝煙生密翠晚影漏斜明應待女媧采參差
瑤清

夜賦

月從東殿生叢竹照脩竈葉間清露滴枝上寒禽
動閑覺萬慮空靜聞嚴鼓重官燭前更明相看應
似夢

三月九日

前殿臨朝百辟回後宮
階出蕃屋初迎玉
戟子雲才群官
只有寥寥許外陪

映日

光陰天上早
軒看花成子
大

吹繁

宮桃

漢家宮殿蔭長槐
嫩色葱葱不染埃
天仗龍旂穿影去
鈎陳豹尾拂枝來
青虫掛後蜂嚙子
素月生時桂並栽
我意方同杜工部
吟淘唯喜葉新開

有折景福殿後醱醱花至者

有鳥嚙花出清香
不畏風初從上林發
來過未央中
族族霜包密層層
玉葉同誰將作美酒
醉看月生東

詩癖

人間詩癖勝錢癖
搜索肝脾過幾春
囊橐無嫌貧似舊
風騷有喜句多新
但將苦意摩層宙
莫計終窮涉暮津
試看一生銅臭者
羨他登第亦何煩

石詠

君王愛石醜百孔
皆相通怪狀一如此
補天有何功
匪言不可轉
安得來宮中
女豈比桂礎
瑩然受

摩龍

凡向逾旬

重說已經旬
應憐獨寢人
通宵彈玉枕
白晝拂床塵
幾想迎雕輦
何當快倦身
門前車馬立
疑是角

生輪

晨起

月向西樓下天光候日開殘星明寶鑑百舌嚮宮
槐玉井傳新汲金爐換宿夾黃門馳有詔唱第許
卿來

金沙花

金有披沙得花應不可多栽培由地力艷色與天
和玉座君王賞朱欄將相羅稱觴千萬壽繁榮奈
香何風翻香已回
人問賜食姓軒野亦刊報與幾春
香何風翻香已回
人問賜食姓軒野亦刊報與幾春

誰言出相是山東今日求賢欲致功玉饌滿盤來
禁裏鵝羹分鼎下天中但知愷悌酬君賜舊訝權
輿向國風曾笑侏儒飽欲死宜思薇蕨不忘忠

賜酒

時頒光祿酒花出漢宮墻湛露承天渥流霞落羽
觴近親龍尾道遠襲雀頭香
情狂

賜書

善經二字

選來金殿盡英豪帝筆親承始是遭就裏少年
唯賈誼其間蜀客乃王褒善經有意尊儒甚推澤

方知待士高歸付子孫傳百世深堂閑挂亦蕭騷

賜燭

天子賜燭昏夜時嫦娥閉月裁桂枝稱量高下唯
妍辭相與盡心無附離求安去病如上池照耀不
容毫髮私品藻一定何可移光焰奪晝資爾為言
王徒美庭燎詩魏帝自徹月殿披我朝好士萬古
垂搜索賢俊登蒿藜孰不力吐肝膽脾枉用宴飲
生脛脂雲龍將見升駸駸燃此必欲無所遺收殘
喜氣如蒸炊蜜蜂慙愧空多知

賜果

前日宮醪賜玉尊今朝持果小黃門乾桃熏李非
時物置按盈盤不次恩投以赤心思武帝握同公
璧詠劉琨嘗聞食真陳王業知是幽公幾世孫

檜詠

文章老重欲追古便作帝宮蒼檜詩青葱玉樹傳
楊子盤屈洪桃見左思龍鱗已愛松身直珠寶還
看精葉垂秀木黜叢那可擬但將霜雪定堅姿

柳詠

陶令生涯流酒巾門前種柳萬條新花今吹作蓬
萊雪曲舊思符外關塞人應與殘英閑是伴不隨舞

蝶去爭春可憐輕質都無定一落銀河莫問津

殿後書事

天子尋常幸直廬
裹頭宮女捧雕輿
紅泥已賜春
醅酒黃帕曾經御
覽書林果鳥應嘶
去後燕窠蟲
有落來餘禁中事
事能傳詠播在
人間不是虛

雨後

雷光初照樹
峩峩菜上微風與
雨和玉腕愁聞無
處柰庭花暗落不
應多長楊靜響千
重瓦太液寒
生幾寸波
泚濯青春如有意
平明濕羽未離柯

景福殿水

宮井蛟龍夭矯垂
曉餅初汲喝禽窺
清冷已向金
盆貯甘滑還從玉
椀知九醞酒醇由
此得小團茶
味為留遲閣門地
脉應相似翰苑曾
邀詠昔詩

永叔曾邀余
賦閣門水

雨後

新晴殿閣曉初日
霧煙中柳重宮腰
弱花肥粉頰
豐渥恩君自厚藜
藿我繞充草木欣欣
發誰知造
化功

象戲

象戲本從碁局爭
後宮龜背等人情
今聞儒者飽

無事亦學婦人閑闌明堂上有奇誰可勝樽中賭
酒令方行直驅猛獸如尋邑何似果平不用兵

再觀牡丹

聞說偷觀近玉欄腸如車轂轉千盤無人憶著洛
陽日走馬魏王堤上看

白牡丹

白雲堆裏紫霞心不與姚黃色鬪深閑伴春風有
時歇豈能長在玉階陰

紫牡丹

葉底風吹紫錦囊宮爐應近更添香試看沉色濃

如液不媿終之君翰墨壘場

七寶茶

七物甘香雜藥茶浮花泛綠亂於霞啜之始覺君
思重休作尋常一等誇

庖煙

幕歷庖煙出絲油欲通雲霧未能周濕薪燒盡日
亭午試問霏霏非何處浮

省中

漢相家人尚苦疑不言溫室樹何枝君今坦坦無
猜忌夸說皇居盡入詩

天上

紫微垣裏月光飛
玉佩腰間正陸離
天上去來知幾日
蟠桃結子是歸時

明月

明月已生城上頭
小星光滅大星流
來朝放榜出宮去
何處殘花轉入溝

再賦

誰人重諫大刀頭
只願長明不願流
縱使西傾必東出
寧向寒水瀉宮溝

殿中柳絮

玉几當中寶作牀
無端絮惹御袍香
群公唱第魚龍化
列侍金階若堵牆

宛陵先生文集卷第二十

宛陵先生文集目錄卷第二十一

和京臺春宴

和永叔試諸葛筆

嘲江翁還接離

送李夫伯歸建昌

王知章分河內

中伏下求叔遺冰

送施繹秀才下第

送微上人歸天台

送李信臣對節縣

和景彝同飲還省宿

唐書句後得芸香

和景彝閣後紫微花

送林殿丞倅和州

送祖擇之赴陝府

和永叔送祖擇之赴陝

送張山甫武功簿

寄天台梵才上人

送王巡檢之之海

劉公同飲永叔家

來上人歸宣城

始作燕子巾

謹賦

送侯孝傑殿丞簽判濠州

送張子野知魏州

送尹駕部監靈仙觀

送朱戶曹之廣德

次韻和永叔

送王司徒定海監酒稅

李端明挽歌三首

和永叔夜聞風聲有感

和永叔石枕與筍竹簟

寄題朱泚方新園

和原甫午寢晚歸

三十一第歸宣城

送刁景純學士赴越

送宋郎中知商州

定力院賦學士

和景彝省闈宿齋

送刁景純知命信

次韻谷王景彝聞余飲

和景彝對月

和景彝西閣獨直

宛陵先生文集卷第二十一

次韻景彝春宴

法座初瞻戶牖間，袞衣垂處見雲山。
滿斟玉酒傳宣盡，齊插宮花拜賜閑。
紅線織成庭下毯，明珠結出耳中環。
鬪雞旗底蓬蓬鼓，逐勝爭名利害關。

次韻景彝三月十六日范景仁家同飲還

省宿

種桃依竹似仙家，邀對春風共泛霞。
席上未觀雙舞鳳，城頭已覺聚啼鴉。
忽忽跨馬人歸省，幕幕生煙樹斂花。
稚子候門知我醉，東方明月照扉斜。

次韻永叔試諸葛高筆戲書

公負天下才用心如用筆端勁隨意行曾無一畫
失因看落紙字大小得踈密筆工諸葛高海內稱
第一頻年直我來我媿不堪七安能事墨研欲効
前人述懶性真嵇康閑坐喜捫虱是以持獻公不
使物受屈果然公愛之竒蹤寫名實豈惟播今時
當亦傳異日嗟哉試筆詩藏不容人乞

唐書局後叢芳中得芸香一本

有芸如首宿生在蓬藿中草盛芸不長馥烈隨微
風我來偶見之乃釋彼翳蒙上當留百雉城南接文

昌宮借問此何地刪脩多鉅公天喜書將成不欲

有靈蟲是產茲弱本精爾發荒叢黃花三四穗結

實植無窮豈料鳳閣人偏於葵葉紅

嘲江翁還接籬江簡云昔憶張籍詩有恐傍人偷剪樣尋常帶出書堂

何言恐偷樣自是君婦懶五日縫一巾猶道苦未

晚

次韻景彝閣後紫薇花盛開

禁中五月紫薇樹閣後近聞都著花薄薄嫩膚搔
鳥爪離離碎葉翦晨霞鳳凰浴去池波響鳩鵲陰
來日影斜六十無名空執筆頭毛應笑映簪華

宋日送李大夫歸建昌

推天以知命自古豈不然桓桓及城會嘗毀聖與
賢後人何蹈之其事實好還君若麻源谷學禮如
鄭玄聲名久已大籍籍四海傳昨因丞相舉便謂
升雲煙竭來大學館食貧向三年忍懷粉榆下歸
思獨綿綿得告許暫往落莫求楚船將鬻滄江土
仰看飢飛鷺誰識鷓鴣志閉誦莊史扁喜問里中
兒童到舊林泉洗滂俗塵垢裂跨馬韉不向世
路去徒取愁腸煎雞豚粗可養未黍亦足田不
莎衣蟲以葉自包纏及其飽滿時曷異冠貂

意我強寫雖慕何由緣

送林大年殿丞登第倅和州

和靜先生負美才族孫今似漢庭枚敗亡項籍江
邊廟應魏文場戰勝來

王知章尉河內

古縣太行下老槐三四株以言新作吏不似舊爲
儒黃綬心猶壯青雲志豈無漢朝吾遠祖不道此
官龕

送祖擇之赴陝府

古來分陝重猶有召公棠此樹且能久後人宜不

忘君從金馬去郡在鐵牛旁山色臨關險河聲出
地長罇無空美酒魚必薦嘉魴天子憂民切行當
務勸桑

中伏日永叔遺冰

日色若炎火正當三伏時盤冰賜近臣絡驛中使
馳瑩澈肖冰玉凜氣侵人肌近日多故友分貺能
者誰信鄙願貧賤物物義不遺念我老且病赤痢
生枯皮巨塊置我前凝結造化移畏冷不敢食有
類夏蟲疑雖然已快意何必咀嚼為天子厚於公
不使熾毒欺公亦厚於我將恐煎熬隨我有舐情

愛自憐小子龜

次韻和永叔贈別擇之赴陝郊

古人相送贈以言今人相送舉以酒酒行殷勤意
豈疎酒罷躊躇悲更有行當何之來者誰陝府兵
吏爭迎走壺漿往往過函關翰林惜別方携手自
言老大遇知難願得公詩為不朽公因索筆作長
謠落落寓言誠十九我慙竹管厠官懸縱合律度
應非偶太守西行已不貧忽獲明珠盈大斗歸立
螭頭未是遲暫向棠陰問遺叟

送施絳秀才下第

君嘗志於敵輕彼羣兒嬉堅銳不可恃屢北還自
疲曾中多奇秘既劔何所為東走滄海上夏果采
荔枝奉親樂無涯豈媿祿仕遲

送張山甫武功簿

洛陽舊交有七人五人已為泉下塵各家生兒為
門戶唯子弟兄先立身我與信都侯獨在喜見及
祿知天仁昨日聞補武功吏氣調欲與南山親少
年勉力向職事莫學老貪文字新

送微上人歸省天台

釋子懷慈母吾儒未易輕不尋琪樹去肯向石橋

行海近雲多潤山高日少晴天恩新賜服書字欲
傳名

寄天台林几才上人

常觀月從東方出想照石橋旁畔人試問當年與
今日清光不改只如新

送李信臣尉節縣先歸湖州

梁王吹臺側五月多荷花荷開對翹鷺吳客還思
家家在水中城四面如鋪霞焉能長相守千里獨
起嗟補官東海上物景莫言賒

送王巡檢之定海

休平礪鵝劍休調鵠血弓平時自壯大何所立戰
功得兵不滿百防寇滄海東駕舩如飛鵠出入巨
浪中苟能勇於此遇敵無廢忠

同梅三十五飲承叔家觀所抄集近事劉

敬

陶公一畝宅尤愛北窓風心遠地誠僻客來尊不
空觀書太史氏全住南門翽子亦何為者於此清

賞同

來上人歸宣城兼太守孫學士

李白不厭昭亭山看盡飛鳥雲獨開我今相送

懷想想在謝公窓戶間

始作鷺子巾

裘髻不累額自名鷺子巾翼覆尾涎涎誰問巢由人

謹賦

避暑就高臺不如就賢人賢人若冰雪論道通鬼
神自言信手書字字事有因往往得遺逸烜赫見
名臣是日劉夫子拍手氣益振重覩太史公吾徒
幸來親大笑舉玉盃陶然任天真內樂不復熱豈
以身為身

送侯孝傑殿丞簽判潞州

同在洛陽時交游盡豪傑倏忽三十年浮沉漸磨
滅唯餘一二人或位冠冕高我今存若亡似竹空
有節人皆欲吹置老硬不可截君自緱山來別我
不畏熱言作路從事家貧祿仕切六月上太行辛
勤非計拙天當氣候涼清風自騷屑雖云數日勞
斗與炎蒸絕君本公王孫才行實脩潔鏘鏘發英
聲瑩瑩如佩玦是爲君子器終見不渝涅相逢未
易期夢寐歸鼓柶

送張子野知虢州先歸湖州

未赴虢太守暫歸吳興家吳興近洞庭橘林正吹

花君當橘柚時摘包帶霜華清甘不楚齒若酒傾
殘霞谿山小女兒姹姹兩髮丫裏裏上巖能嘈嘈
弄琵琶是時與之醉何似走塵沙

送尹瞻駕部監靈仙觀

天地如轉磨屑屑今古人一落大化手國品惟其
新不幸積不用袞袞同埃塵日月行何窮過盡千
萬春人生占幾許百歲猶比晨君求瀟山潛捨去
兩朱輪願効陶淵明翦紗爲破巾山前溪多鱗山
下酒甚醇看雲舉大杓杓造舒州民李白嘗愛之
死生曾與均此志我亦有更將猿鳥親

送朱玠之廣德軍

南方小兒絕讀書往往得官呵路衢君今五十始
作搃手板青袍非壯圖况來桐汭水上城折骨強
顏休歎吁城西古祠能致雨歲不有旱民無逋民
樂未央君可娛舊俗不與吾鄉殊

次韻和永叔原甫致齋集禧

廟嚮靈祠屬一公齊心相望切朱宮綠渠繚繞墀
垣水廣沼清泠漲般風已詠應麟來五時仍歌翔
鴈雜殊翁遙知畢事期尋勝尚問衰羸未默窮

送王司徒定海監酒稅

悠悠信風帆杳杳向滄島向通遠國多釀過東志
少懷鄉寄書遲見日知晨早應聞有海花何必樹
萱草

端明李侍郎挽歌三首

少年為侍從名譽竟軒騰每吐曾中鳳寧容筆上
蠅受釐延漢室被謗過周陵今日泉宮啓師臣禮
秩增

官豈不為達其如望未充敏辭傾一代發問誰三
公獸向承明直思行邵伯風嗟嗟玉樹折埋沒後
蒿宮

秋樹無黃鳥，蟬聲亦自哀。素車新隴去，白馬舊賓來。
薤上朝陽露，池中歲劫灰。短長何足較，嗣子有高才。

次韻和永叔夜聞風聲有感

月落夜正黑，風起庭槐端。窻間星動搖，枕上人寤歎。
歎所歎，吹陰雲苦熱，彌不歡。當其氣莫出，曷若無衣寒。
虛堂卧竹簟，汗體如露溥。驅蚊執蒿艾，寧復襲芝蘭。
煎灼一如此，衰枯誰可完。消磨任寒暑，安有不死丹。
三伏已過二，炎赫應漸殘。試看曉東樹，辛勤方轉丸。
焉得從釣舟，逆上嚴子湍。此詩見東坡

易謝榮爲獨難，誰顧萬古名。黑石持鶴刊，風聲不用撼。林頭閑素紈。

次韻和永叔石枕與笛竹簟

溪上枕剖龍卵石，蘄匠篔簹製蛇皮。紋客從東方一持贈，竹色蒸青石抱雲。磨沙斲骨自含潤，飽霜弔節無留塵。京師貴豪空有力，六月耐此炎蒸劇。旱風赤日吹熱來，大厦高簷在雕飾。頭臚汗匝無富貧，雖有頒冰論官職。官高職重冰則多，日永冰消難更得。唯公掃室施枕簟，迎涼自感東方客。東方客應非俗昏，能使賢人心體適。賢人何以偏伏人。

天下才名方赫赫我吟困窮不可聽晝夜蚊蚋蒼
蠅聲蠅如遠雞耳初感蚊若隱雷空際鳴萬厨頂
綖屋竭墮菅席中裂麻經橫平生賦分只煎炒安
有祿玉琉璃清猶勝昔年杜子美老走未陽牛角
死因思楊惲廢時言但願人生行樂爾公今事業
在朝廷去就尤當慎終始待公睦足秋風來去奉
高談揮麈尾

寄題朱表臣職方真州新園

青葱江上樹杳藹宮前道道側有新園園中無惡
草松隴方在望茅屋聞已考朝廷正急才何得言

歸老

次韻和原甫閣下午寢晚歸見示

殿閣風來夏日長青林抽嫩見餘芳筆供五吏詞
休敏簞展雙紋睡正涼故事早歸何獨晚舊交新
詠尚無忘不言偃仰中園樂還愛眉間喜色黃

三十二弟寺丞歸宣城因寄太守孫學士

謝公下車日郡內一登望昭亭山蒼蒼蒼寒谿水漾
漾句清宛微渾三洲分細浪小艇下灘來群鷗舞
潭上借問鷗何若水深魚莫向鷗餒猶識機魚樂
不忘餉子去見太守於我必有訪但寄此薄言鐫

前為之唱

送刁景純學士赴越州

會稽迎太守舟屋畫粉腹前舟載圖書後舟載女
樂月出鏡湖心長笛使孤作還見漁者來曾令李
暮悖吹裂比竹管士果不可度二分學宮裝艷色
關京洛嘗聞有西子齒齒不相若得郡考故跡精
絕古所作慎莫為俗牽乘閑數斟酌

送宋郎中知商州

孝孫

商於六百里太守二千石地廣任亦重車建旗仍
赤霄聞四老人采芝留舊跡古廟藏空山曾無漢

羽翼其事有圖書家傳多典籍願君為政閑校覽
知疇昔

六月晦日定力院同原父賦送伯鎮景純

樞言三學士

清秋三黃鶴舉翼東來飛鳴聲既相呼煙水亦相
依蓬池不暫止太液未言歸酌酒望滄海飄飄思
菊衣

次韻和景尋省闈宿齋一首

晝日南宮雨後涼齋嚴官重靜於常庭前闕雀
還起欄下秋花落自香看盡雲谷天漏碧讀殘書

秩卷披黃九衢塵土莫能到蕭瑟微風葉如雪
新月斜光依約見夜蟬高樹有時鳴曲眉不想西
家樣皎腹還思三千清迭代物華何足較古今榮
謝豈須驚鶴髮應覺能閑少又事區區逐日生

送刁景純知會稽

前有朱翁子後經王右軍至今風俗美自昔誦歌
聞秦望臨丹戟耶溪漱白雲只應絲管去驚動海
鷗群

次韻荅王景彝聞余月下與內飲

仰頭看月見新鴻形影雙飛玉鑑中呼我作卿方

景清更煩佳句賞高風

次韻和景彝對月

蕭蕭風雨變涼意索索晚雲開斗晴已洗浮埃天
外靜忽生圓月樹頭明草根蟲穴吟來久屋角星
河落更清我魂西垣侍臣比景寒霜鬢兩三莖

和景彝新秋西閣獨直

池頭鳳皇寒井上梧桐老鳳寒浴已晚桐老脫亦
早是時有詞臣獨直正視葉嚴嚴代王言落落奮
清藻演成五色然世作非常寶貶如市朝捷襲若
垂袞好四方號令施萬耳昏聾掃此職唯其才用

平寧草

宛陵先生文集卷第二十一

宛陵先生文集目錄卷第二十一

和景彝攝事

和景彝秋興

司徒陳公挽詞

秋思

送葉都官蜀倅

次荅吳內翰遺石器

送張簽判奉寧軍

寄題陽武慶豐亭

酬永叔分遺海魚

送柳知錄大名

送都官虔州倅

秋雷

送靳春俞寺丞

和原甫白鸞武鸞

送劉賢良下第

九日永叔諸公過飲

送鮑都官錢塘倅

送刁國博通州倅

吳資政挽詞二首

九月二十四日大風

二十五日雪

送唐待制北使

送劉學士歸陳州

送陳賢良忠正簽判

送韓寺丞知餘杭

送周學士定州倅

送番禺杜杆主簿

還柳瑾祕詩編

送張殿丞知資陽

丁端公北使

張斯立遂州司理

寄題哀賢亭

答沈屯田寄茶

送曹崇班駐泊相州

求叔諸公見訪

和原甫陪永叔題枯菊

和永叔飲余家

送獻甫知虹縣

衛尉少卿挽詞

和永叔對雪

寄題澤州園亭

送李灝秀才南歸

目錄終

苑陵先集卷第二十二

景彝奉慈廟孟秋攝事二十韻

闕宮初告饗駕駱已迎秋公衮惟時攝齋廬用爾
休椒漿茲往奠鸞馭或來游任似徽音繼邦家故
事脩前期嚴受誓侵曉肅傳騶雞狗藏深戶蚊蠅
響暗溝別祠緣相漢舊禮倣宗周蕭氣接庭燎鼓
聲通市樓樂章分廟奏牲物用毛柔木主升新座
牙盤列庶羞叩階除劔履宿羽動梧楸錫胙人移
俎焚辭漏晷籌豆籩將降陞足有史劄奔牛事畢歸
烏巷陰餘晦綠油驅車多叱咤負擔起歌謳却直

中書省重瞻十二旒詞供五更敏詔示四方優密
議存王體斜封贊禹謀勤誠酬異等潤色闡嘉猷
強擬鄴中詠我思康樂侯
次韻和景彝秋興
月機上梭年華東注波未驚涼葉墜已見白髮
多牧馬歸方健調弓力漸和籬邊賸曉菊陶令奈
貧何

司徒陳公挽詞二首

位至三公有恩加賜謚無再調金鉉鼎屢剖玉璫
符已歎鸞同穴還嗟鳳少雛擁途看肉即

公在中書日朝廷百事崇王官多不喜天子以為

忠富貴人闕少恩榮歿更隆若非笳鼓咽寂寞奈

秋風

梧桐在舞上蟋蟀在床下物情有與無節候不相

假寥寥風動葉颯颯雨墮耳聽心自靜誰是忘

懷者

送葉都官赴蜀州倅

每有人之蜀先憑問海棠徒知花底醉不報樹頭

秋風急登山古路長西南生片月遙想見
清光

次韻答吳長文內翰遺石器八十八件

山兵日斲器殊匪事樵牧掘地取雲根剖堅如剖
玉食具與果具待賓良有勗亦將茶具并飽噉時
出俗公何都贈予金多不入目我家固宜之瓦椀
屏漏屋得此尤稱窮客來無不足唯應赤脚婢收
拾怨常酷夏席堆青蠶冬盤釘百蓄竟無梁肉饌
甚媿上庸家錄

送承君儀太祝簽判奉寧軍

社雨燕巢空古陂菱葉老燕去春當還菱枯秋不
早莫以西風高於馬亂懷抱拍途無幾里駛馬一
秣草彼美賢主公文章為世寶笑談樽俎間勿負
風月好

寄題陽武宰王安之慶豐亭

官為人父母身自奉其親結宇後園中散步以怡
神寒溫適所適朝夕饋爾珍諸孫同在傍嬉戲情
各均庭下香草秀梁上乳鳥馴乳鳥名曰烏反哺
豈不仁香草名曰蘭相襲使之紉二物已可知百
里風俗淳

北州人有致達頭魚于永叔者素未聞其名蓋海魚也分以為遺聊知異物耳因感而成詠

孰云北海魚乃與東溟異適聞達頭乾偶得書尾寄枯鱗冒輕雪登俎為厚味向來味知名漁官疑竊竊位者如臧文仲不與柳下惠從茲入孟盤應莫慙鮑肆

送柳秘丞大名知錄

言今魏都去聽我願少休地息戎馬牧民苦黃河流渾渾發西極奮奮入九州自古患決溢于今為瘡痍禹力順而東漢防築其陬完壞非一日利

經千秋主印無功貴治水莫輕謀府公山西種貴已為通侯樽酒與歌舞上客共優游

送何都官通判虔州

楚越封圻接帆檣上下頻商通洲橋孰信到嶺梅春白紵歌脩頸金盤饋紫鱗同勤太守職龔遂漢名臣

秋雷

春雷不發蟄秋雷不收聲向無一日雨今無一日晴昨夕玉女笑閃閃揚目晴雷公與雨師自取號令明舒慘由上天誕妾推五行日月不粒食安問

下土耕雖然屋瓦爛還有地菌生損彼以益此誰
能較人情堯時不無水用禹水乃平黎民思堯仁
徃徃見於羹猶吾大君意星火立水衡水衡雖勞
力豈將雷雨爭

送俞尚寺丞知鞞春縣

應見言風物于今有貢蛇潛蹤遠鼃龜飲露上兼
葭清潔一如此傷殘都莫涯君惟修職業男未女
綵車

和劉原甫白鷺鷥

出注平因注葦草在西海斯中
州四十一萬舟行過西王母三

年乃達
番禺也

能言異國鳥來與舶帆飄嘗過西王母曾殊北海
緜雪衣應不妬隴客幸相饒因憶禰處士舊洲蘭
蕙凋

送劉定賢良下第赴廣陵

劉養不登科衆口誦其策得者爲之羞聞者爲之
惜摧藏一時屈論議千古白至今簡篇中一字不
敢易其言究時病春刺若戈戟引經見大法非殆
春秋僻我朝屢得人無不陞顯赫乃知所中否實
命繫通厄中則首公相人情作冠幘否則走仕塗
人情作履舄秋風廣陵城千里夷門客壯心雖暫

失美寶有時獲招悵以送君致龍翻點額

九日承叔長文原甫景仁鄰幾持國過飲
秋堂雨更靜佳菊粲粲芳置酒延群公掇英浮新
黃心猶慕淵明歸來醉柴桑莫問車馬之去跡亂
康莊

送鮑都官錢塘通判

文繹游西海夕飛向吳洲朱鼈生明月淵潛未可
求由來有變化何能計沉浮君子蹈出處誰將等
隅陬臨水賦二者相送無離憂

通州通判刁國博

古郡見郎山海雲遮一半陽烏出滄波光彩臨硯
按小吏抱牘來磨墨為點竄豈以鳥喚人百事皆
漫漫朝廷通守任不使守專斷是恐繆其才民勞
乃生亂辛勤雖然多魚鱗莫知筭夜月上蓬瀛偷
閑舉杯看因行計較足少別休興歎

吳資政挽詞二首

天下文章老為公地底銘平生懷道德鋪寫若丹
青蒲市一朝罷洛人皆淚零嗟嗟廟堂貴今以栢
為庭

峩峩陁土厚自古葬賢人百尺不逢水千年空閉

春夜臺埋琬琰隴道刻騏驎西望綠纓淚曾無幕
府賓

九月二十四日夫風

秋颺無蹤跡空中聲奔馳枯桑因已驗老病仍先
知驚沙入破隙危葉隨綠枝幽懷聒不寐山岳將
恐移

二十五日雪

秋露未為霜秋空已飛雪著樹增葉危獸叢憂
折平明開戶看半覺顏蒼潔天時莫倉猝誰預衣
裘設

送唐待制子方北使

王命來天外闕氏坐帳中儀雖聘鄰國禮豈異和
戎漢使方持節胡人自帶弓唯應沙漠凜不減諫
臣風

送劉元忠學士歸陳州省親

芸香閑秘秩蘇合著新裘公子言歸日天王賜問
優治分周太宰禮重漢諸侯拜慶無如樂黃金作
酒舟

送陳賢良忠正軍簽判

書對三千字恩科第一人鯤魚飛北海龍劍躍平

津直悟聰文主深論險剋臣已能明世弊枉作幕
中賓

送韓持正寺丞知餘姚

君家二仲父連為吳越宰錢塘與蕭山治跡應無
改魚鰕莫厭腥網罟從人采天晴姚紅深縣鼓朝
翻海

送周介之學士通判定州

相公秉文武視卒如嬰兒今往佐其軍豈不重撫
綏我有愚者慮贈君臨路岐相公居并州托士曹
不疑羌戎起潛變一旦覆我師我師無不勇將吏

寶易之常抱雪耻志此旨君所知兵家尤戒貪持
重養以威正當土門路自昔屯虎貔朔朝及旬望
大校飲酒卮未若投單醪共飲河水湄古人維其
均今人意參差臨事欲之死身往心已移上能同
甘苦下必同安危願君因議論茲語何難為

送番禺杜杆主簿

行識枕柳樹初窺翡翠巢地蒸蠻雨接山潤海雲
交訟少通華語蟲多入膳庖不須思朔雪梅吐臘
前梢

還柳瑾秘丞詩編

吾友蘇子美聞昔許君詩子美今下世令人重嗟
咨當其不得志泥水蟠蛟螭未激西海流安可氣
吐霓吳洲逢朱鼈腹有百碧遺他時使我觀我觀
顏怛悵便欲焚筆硯奈何難爭馳

送張殿丞吉甫知資陽

單騎欲之蜀綠衣初過秦王喬鳧是寫陶令酒名
巾灞上愁逢雪瘴中喜見春兩川風物美不似走
京塵

丁端公北使

出聘天王使來乘御史駟馳車看燕婦貂扇禦胡

風俗與華人似言從左袵通蜀庭觀拜舞不似未
央中

張斯立遂州司理

自身買馬筆爲婦置罽羅將出咸陽門同涉蜀道
危疇昔未祿仕日夕講書詩不能青雲高乃作黃
綬卑前人未遇時往往甘棲遲如築九層臺始起
一板基雖然用功深歲久終莫墮我今惜君行無
力可致之去勿藉芳草世俗多夸毗

寄題哀賢亭

馬仲龍圖墳
前所創立也

蒼蒼墓門樹亦有黃鳥哀賢者不在世常恨埋蒿

萊山根入溪泉流響出夜臺東方見子香助濤高
崔嵬

荅建州沈屯田寄新茶

春芽研白膏夜火焙紫餅價與黃金齊包開青
整碾爲玉色塵遠及蘆底井一啜同醉翁思君聊
引領

送曹測崇班駐泊相州

知君鄴城去歷覽古時蹟我我銅雀臺其下遺瓦
礫不化鴛鴦飛多近蟾蜍滴哀哉魏武帝雄智圖
九錫俄聞望西陵作效向朝夕曾何百年間事往

如霹靂空餘幾仞土陰峭古蘚碧下有牧羊人上
有犴與癩寒風吹枯草草短聲刺刺珠翠爲埃塵
冠劍埋百尺顏回飲一瓢仲尼不暖席擁徒食人
肝生莫如盜跖令名今猶存焉在刻金石我輩當
太平白首無戰敵又知爲善樂尚媿苟仕籍行行
勤撫兵堅威酬德澤

十一月二十三日歐陽永叔劉原甫范景仁
何聖徒見訪之什

夷門魏公子來過抱關人車馬立市中貴義不耻
貧市人無不驚此老面鰲鰓豈將流俗眼能辯玉

與珉爾後幾千載此賢埋埃塵誰謂四君子蹈古
猶比辰上馬後苑門訪我東城闈爲公開蓬戶沽
酒焚紫鱗銀盃青石盤共飲不計巡薄暮各已醉
歡笑頽冠巾來既無猜嫌去亦無踈親曷若世上
士惟顧勢力均

次韻和原甫陪永叔景仁聖徒飲余家題
庭中枯菊之什

九日車馬過我庭黃菊鮮重來踰七旬枯萼無復
妍自非凌霜操枝葉徒相連衰敗未忍去根葉尚
翹然不意憔悴叢猶爲君子憐固值時節晚豈恨

地勢偏直如水上蘿緣蔓欲到天一朝風雪厲寒
落向暮年至此事乃等高低復何言公休誇松柏
彭祖與顏淵各不相健羨馬能論柔堅願公時飲
酒周孔今下泉

次韻和永叔飲余家詠枯菊

今年重陽公欲來旋種中庭已開菊黃金碎翦千
萬層小樹婆娑嘉趣足鬢頭挿藥惜光輝酒面浮
英愛芬馥旋種旋摘趁時候相笑相尋不拘束各看
華髮已垂顛豈更少年苔色綠自茲七十有三日
公又聯鑣入余屋塔傍猶見舊枯叢根底青芽

催促但能置酒與公酌獨欠琵琶彈啄木所歡坐
客盡豪英槐上凍鷗偷側目盤中有肉鷓伺之鳥
鳥不知啼紫曲諸公醉思索筆吟吾兒暗寫于毫
禿明日持詩小吏忙未解宿醒聊和屬

送李獻甫寺丞知虹縣先歸金陵

今日歸為美塗金作馬纓願言膏沐婦相望石頭
城得邑柳堤合還家梅野晴里中多樂事州牧是
名卿

衛尉邵少卿挽詞二首

德至九卿亞年過七十春桐鄉歸葬日棠樹去思

人霧裏開蒿隧原邊起石麟地遙徒有淚洒向北
風頻

買得吳門宅歸來自種花春風未歌徹東武邑竟
賒昔作千年調今為一日嗟人將鶴美德磨石取

江沙

次韻和永叔對雪十韻

五月梨梅柳
絮幸皆不用

紛紛何亂目凜凜自開門著莫風難定侵凌物已
繁裝成新樹色遮盡古苔痕冷入梁王苑清乘衛
國軒欺貧凍蓬葦增險想輾轉小隙皆能及洪爐
逼不溫雲衣隨處積水甲等閑屯團戲為丸轉堆

雕作獸蹲豈愁穿破履幸喜有清樽誰問諸公子
高樓與後園

寄題劉仲叟澤州園亭

城臨太行谷谷暖宜草木既移洛陽花又種阮家
竹五色雜黃紅一林常翠綠其間廣亭開亦欲危
榭築春歸百禽噉搏黍及布穀桑上啄椹食林下
窺果熟菓收椹已盡飛去不須逐婆婆黃楊樹誰
謂逢澗縮物猶有進退此理何用告余心當効君
未有地可卜綴書豈貪樂且以苟微祿

送李灝秀才南歸

乘馱雪中來別我千里歸江南梅花發身與越鳥
飛幾年客大梁著盡篋中衣空餘一束書去恨知
者稀

宛陵先生文集卷第二十二

宛陵先生文集目錄卷第二十三

送刁經臣歸潤

贈狄梁公孫

寄曇穎呈永叔

寄題刁氏園亭

次酬永叔

李尚書挽詞

送朱司封知登州

送代州錢防禦

寄題董氏書齋

次酬永叔

和景彝上元夜

送雷太簡知虢州

和景彝元夕雨晴

早春書局即事

古意

送李閣使知冀州

郭園梅花

送襄陵李令

宛陵先生文集目錄卷第二十三
送刁經臣歸潤
贈狄梁公孫
寄曇穎呈永叔
寄題刁氏園亭
次酬永叔
李尚書挽詞
送朱司封知登州
送代州錢防禦
寄題董氏書齋
次酬永叔
和景彝上元夜
送雷太簡知虢州
和景彝元夕雨晴
早春書局即事
古意
送李閣使知冀州
郭園梅花
送襄陵李令

詠仲更園中醜石 送趙子淵知潁州

寄題魏州吏隱亭 和王舍人憶省中小桃

和原甫杜後對雪 和永叔二月雪

聞景彝禱祠迴 和景彝祀高禩書事

和永叔雨中 答毛秘校

仲更種郁李 和原甫復雨寄永叔

送正仲都官知睦州續永叔歸田樂

和介甫明妃曲 酬楊太丞見別

贈王尚書挽詞 送陝西都運彭待制

送羅職方知秀州寄陳州劉使君

劉相公挽詞 送胥太博湖州倅

寄題陽翟希隱堂 賦李學士教芝蓮

目錄終

卷之三 目錄二

宛陵先生文集卷第二十三

送刁經臣歸潤州兼寄曇師

古來山林士一往不復返區區世上名豈畢車
挽前有高山危後有落日晚未知所止息已慕田
家飯愛君京口歸萬事不著眼乘馬飾鞍轡乘舟
畫屋版長途與白浪健駛固莫限力殫風定時各
各繫岸棧寄語老空人青崖勿鋤剡

贈狄梁公十二代孫國賓

雄雉飛上天牝雞白日鳴驅逐鳳皇雛百鳥不出
聲豈無鷓鴣與鷄至死莫得爭孤鶴獨不懼使風羽

翼成鶴性本君子嘹唳通太清至今有其孫矇矓
田中行明時與梅梁重節亦貴名爾無冲天力且
與鷺鷥异慎勿啄泥穢坐使白鷺輕

寄金山曇穎師呈永叔內翰

江中峩峩山上有道人住風濤響殿閣雲霧生席
履道人如不聞道人如不顧誰能識此心來往只
鷗鷺京洛三十年塵埃一相遇我與信都公已落
衣冠故平生守仁義齒髮忽衰暮世事不我拘自
有浩然趣未由逢故人坐石語平素

寄題刁經臣潤州園亭

新竹城邊園被原上下斜竹多劉裕宅松接黃
家山色不須買江流何處涯但邀東海月莫聽五
更鷓

次韻和永叔夜坐鼓琴有感二首

夜坐彈玉琴琴韻與指隨不辭再三彈但恨世少
知知公愛陶潛全身衰弊時有琴不安絃與俗異
所為寂然得真趣乃至無言期

舜琴曰朕有語舜鬱陶乎孝悌怨則否傲狠媿豈
無我嘗撫卷歎歎此孟氏書此書有深意仁義世
久虛公今乃有感其不在茲歟魚躍與鶴舞物情

曾未殊無情則無應何必問烏魚

李尚書挽詞二首

相門三世貴家法百年同天子賜恩禮史臣書祖
風茹聲穿苦霧隴穴啓寒蓬自古焉能免於茲是
始終

伊水西頭月青山北脚雲夜臺無復曉陰嶺有時
熏龍劔雙埋沒庭蘭竟鬱芬不知門下客誰有
傍文

送朱司封知登州

駕言發夷門東方守宰城臨滄海上不

聲海市有時望閭屋空虛生車馬或隱見人物亦
縱橫變怪其若此安知無蓬瀛昨日聞公說今日聞
公行行將勸農耕用之下陰晴

送代州錢防禦

堂堂鴈門行赫赫符節分紫塞千里障紅旗十萬
軍世家王爵貴祖廟將臣勲鍾鼓陳牛酒衣裘論
典墳呼鷹下青漢牧馬出黃雲竇憲何為者燕然
解勒文

寄題廬陵董氏桂林書齋

山東桑柘多江南松桂茂種桑事春蠶栽桂事

華構嘗聞雲蓋下聚書為大富往往見子孫緣天
掇星宿掇星星若珠光彩出屋漏秋收萬種田作
酒日為壽亦有千里歸錦衣行白晝

次韻永叔乞藥有感

子厚論鍾乳要若鷲翎筒安取啗棗栗謂相出山
東所產有所美慎勿憑村僮公問我餌藥石曰將
使礮我餌乃藤根得方非倉公曾聞李習之其品
今頗同此物俗為賤不入貴品中吾妻希孟光自
春供梁鴻荏苒歲月父顏丹聽益聰雖能氣血盛
不療貧病攻何如面顰黑膏金明光宮亦莫如學

釣緝鉤懸香窮但知煙水樂寧計身瘠豐我生無
快意豈異抱篤癰公平忽我求略辯唯與雄雄赤
而雌白白來不同功沙合固切似朋好殊未窮長
年苟不遇笑殺渭上翁

和王景彛正月十四日夜有感

燈光暖熱夜催春
天半樓開飲近臣
馳道橫頭起
山岳露臺周匝
簇車輪隔簾艷色多
相照下馬輕
豪各覓新我已暮
年殊趣嚮濃油一盞
按邊身

送雷太簡知魏州

牛車讀古書少作游秦客
一朝起為郎華省何赫

赫若有南山雲時時生枕席雲濶不益老呼吸乘
間隙抱病初駭聞既愈賴藥石遂請號太守號事
簡且適況有三堂存韓詩猶可覲永歌復飲酒東
平希阮籍

次韻和景彝元夕雨晴

春雲收暮城九陌洒然清星出紫霄下月從滄海
明車音還似晝鼓響已知晴靜閉衡門卧無心學
後生

早春書局即事

蓄薇結舊蔓夫桃種新紅傷根桃不死著架受依

叢要以玩芳物亦寧負春風誰念太行下移谷學
愚公

古意

林中即鹿人常為虎所即虎豈獲鹿者亦各求其
食趨利不顧害禍患安可息古來避世上輕彼用
智力

送李閣使知冀州

驪裘黃金絡春風北渡河將軍守漢法壯士發燕
歌綠水塘蒲短晴天塞鴈多家聲復年少矍鑠
笑庶頗

郭園梅花 二月一日

未逢柳條青獨見梅藥好猶怯春風寒不比江南
早清香拂酒盃素色欺蓬葆佳人金縷衣唱徹嗟
身老

送襄陵李令彥輔

李宋丞相妹婿永叔少居隨州常往其家

公相為近親翰林為故人親舊各貴顯青袍未離
身六十去作令豈慕要路津又思漢東歸便置漉
酒巾深希陶淵明淡然意已真食棗齒易黃晉俗
誠自淳尚不顧隋珠安肯與此鄰送君識君心掃
跡向世塵

且歸漢東便欲致仕

詠劉仲更澤州園中醜石

君家太湖石何從太湖得太湖天東南太行天
西北相去三千里雖有何致力古人煩舟車頑
質無羽翼竅引木蓮根木蓮依以植秋地出其
中舌吐虹霓色君常夸於我怪怪亦特特以醜世
為惡茲以醜為德事固無醜好醜好貴不惑

送趙子淵知潁州

舊穀不棲畝新春原鹿飢野荒多寇愆詔發撫
疲羸驛騎東風急畝田小雨逢應同漢大守膏
澤亦能隨

寄題楊敏叔號州吏隱亭

賢哉號略君守號事頗簡有亭後園中登覽早
至晚了了松栢關氣象入醉眼花草發瑣細禽
鳥啼睨院竟日人不來亦莫去杯盞

次韻王舍人憶省中小桃寄江學士

淺綻燕脂紫蠟芳深斟吳酎白瓊觴鳳池人憶
去年艷雉省客無今日狂髣髴物華先上苑依
佈歌吹下昭陽平明社雨莫催促應翫移床欵

近傍

去歲正聞
禁中賞花

次韻劉原甫社後對雪

社日遇羣飲北風歸馬驕陽烏雲斗晦來鷺翅
難調朝霞侵花冷春英到地消宿醒無酒解薄
被覺寒饒炉炭重燃獸衣裘更御和熱宮蟲復
閉時鳥腹將枵點綴何多思輕狂不奈飄唯知
如可玩寧恤氣為妖剗客偶然與海神非次朝
唱高仍和寡公又作長謠

次韻求叔二月雪

春雪損萌芽未必摧杞菊我心無憂憎隨分樂
自足桃李紅間白豈不悅我目杞菊嫩且甘豈
不飽我腹看花食蔬仍舉盃趁取衰遲鬢猶綠

聞王景彝雪中棋祀還

二月漫漫雪齋宮夜寂寥壇場祠乙鳥桑柘響
陰泉履帶春泥重駒回廣野驕還批五色詔池
上踏瓊瑤來帖云法歌之外
時復林泉哀鳴

次韻景彝祀高棋書事

聞說郊棋喜氣翔曾由乙卯命封商今朝鍾鼓
登歌祀何日熊羆作夢祥掃雪野廬風凜凜陸
壇公袞佩錚錚君門賜胙予何有不似矜誇鳳
沼傍

次韻和永叔雨中寄原甫舍人

賴得春巢鷺未歸高簷終日雨衰衰細籠芳草
踏青後欲打梨花寒食時美景已嗟空過盡名
園猶許候相隨錦鞍切莫九衢去拍拍一如鷺

鴨池

社日曾慎
赴花園

毛君寶秘校將出京示予詩因以卷之

古城踏成谷不見人馬蹤古人豈不行舊跡豈
不重後何求故步往返自憧憧觀君百篇詩善
畫人形容毫髮無不似落筆任縱橫曷如握明
鏡物物目所逢贈以東南歸擲去手中筇

劉仲更於唐書局中種郁李

冷局少風景買花栽作春前時櫻桃過今日雀
李新搦條紅蓓蕾婀娜含雨勻舊來薔薇叢鏡
借與近鄰始移棣萼密不慙車下捧日暮綴書
罷暫賞舉杯跋

古詩和劉原甫復雨寄永叔

堦下青苔欲染衣晴光絕漏又霏微衝風鷲子
銜泥去隔樹鶻鳴婦歸乍冷乍陰將禁火自
開自掩不關扉渾身酸削懶能出莫怪與公往
還稀

送正仲都官知睦州

每嗟相逢少常苦離別多行行復壯壯往往起悲
歌古來易水上義士有荆軻捐軀思報恩飲恨歌
柰何況彼兒女懷牽纏如蔓蘿是以世間人鬢髮
易番番喜君得郡章東歸隨春波灘上嚴子祠繫
船聊經過其人當漢與富貴不可羅足加天子腹
傲去釣于河冬披破羊裘夏披破草蓑心中小字
宙尤哂獻王和我慙賤丈夫豈異帶面儺未免為
鬼笑誰知懼揮訶安得如君行收跡已蹉跎空將
閑歲月塵埃浪銷磨正同三峽賈盡力向盤渦
續永叔歸田樂秋冬二首

秋風忽來鳴蟋蟀
豆葉半黃陂水枯
織婦夜作露
欲冷杜酒已熟
人相呼坎坎擊壤
坐林下醉去自
有兒童扶壯男
獨獵南山虎
中子已拔蓬
徑入田家
此樂樂有餘
食肉緝皮裘
豈無我雖受之
寸土待買短艇
歸江湖
北風如刀割
寒骨穀已成
困不蒼猝任
後密雪落
交加旋揀乾
薪燒檜袖
鋤犁滿屋
牛在牢鵝鴨亂
鳴雞亂發
割烹炊黍
待鄰叟飽
向茅簷閑
兀兀田家
此樂樂無涯
誰道一生空
汨沒公希平
子定何如
我效梁鴻
終適越

和介甫明妃曲

明妃命薄漢計拙
憑仗丹青死悞人
一別漢宮空掩淚
便隨胡馬向胡塵
馬上山川難記憶
明明夜月如相識
月下琵琶旋製聲
手彈心苦誰知得
辭家只欲奉君王
豈意蛾眉入虎狼
男兒返覆尚不保
女子輕微何可望
青冢猶存塞路遠
長安不見舊陵荒

酬楊愈太丞之壽州見別

疇昔西州謝法曹
聲名籍甚我徒勞
升沉一府已荒冢
憔悴兩人猶二毛
眼見榮華能幾日
心知富

貴只秋毫淮南魚羨香粳滑飽去清吟豈不高

贈太子太傅王尚書挽詞二首

周原開隴隧鹵部葬名臣北極履聲絕東朝車跡
湮藏舟移夜壑棲鸞去承塵共看劉寬墓碑陰幾
許人

平生性忠厚所守心尊君面實賢愚混心惟白黑
分事光中執法書集右將軍天意苦埋沒北邙松
栢墳

送陝西都運彭待制

塞下兵難去關中粟未多君心同漢帝糧道得蕭

何函谷馬蹄入渭橋車轍過地形終險固山色
遑我不愧先賢傳重聽得寶歌歸來奏天子安穩
看鳴珂

送羅職方知秀州

陸雲嘗誇千里純便輕羊酪同埃塵君今得郡正
千里已患無羊馱此珍乃知南北各所樂乘舟不
如乘馬惡水邊不見秦羅敷縱有西施肌肉薄使
君事事未稱意綠水芙蓉定何若

寄懷劉使君 啟

昔我從仲父三年在河內春游丹水上花竹弄粉

黛人誇走馬來盡眼看沒背薄暮半醉歸插花紅
簇隊使君令少年時往勸耕耒安行過樹下野杏
正破顏何不學山公酩酊還倒載令人知使君心
膽不瑣碎切莫懲婦翁慷慨臨并代一朝由謗謫
雖去民苦愛實計幸不幸豈較進與退因書寄此
懷繩墨老且悔

贈僕射侍中劉相公挽詞三首

處外諸侯重居朝聖主知杖逢庚子日夢異武丁
時歸柳關山遠凝笳道路悲欲傳千古跡佐世本
無為

古今皆可見富貴不常存歌者未離席弔賓俄在
門朱輪空返轍綠酒尚盈樽人事固如此令名貽
後昆

歎此微末跡見公三十年貴為天子相能擇大夫
賢東第門闌在南州隴隧延立碑思叔子墮淚峴
山前

送胥平叔太博通判湖州

依依堤邊柳泛泛水中舟舟行無遠近柳影不隨
流東風欲粉絮相逐江上頭正見鮎魚來貫條尾
脩脩使斫橫刀膾便銷千里愁檣端鷺暫語即飛

入高樓樓中饒客飲共候風色柔明朝同挂帆直
過兩徐州吳地多平湖纜拖明鏡秋芙蓉拂雨舫
女艇花底語不羨乘五馬却逢羅敷羞此官當此
時莫憶塵中游

寄題張令陽翟希隱堂

每讀陶潛詩令人忘世慮潛本太尉孫心遠跡亦
去不希五斗粟自種五株樹曠然箕山情復起濠
上趣今時有若此我豈不懷慕

李士元學士守臨邛日有穀一莖九穗者數
本芝數本蓮花蓮葉並蒂者各一本因賦

之

臨邛傅瑞物太守在郡時既多九穗穀復有三秀
芝芝以保萬壽穀以豐東菑更者芙蓉葉並蒂
照清池

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書

欽定四庫全書



聖